






1125411

文11-1



汲冢周書






汲冢

書

周


書

四部叢刊文部



汲冢周書
十卷

四部叢刊史部



上海涵芬樓借江陰
繆氏藝風堂藏明嘉
靖癸卯刊本景印原
書版匡高營造尺五
寸八分寬四寸四分

汲冢周書叙

古書之存者六籍之外蓋亦無幾汲冢周書其一也
其書十卷自度訓至于器服凡七十解自叙其後爲
一篇若書之有小序同孔晁爲之註晉太康中盜發
汲郡魏安釐王冢而得之故繫之汲冢所言文王與
紂之事故謂之周書劉向謂是周時誓告號今孔子
刪錄之餘班固藝文志亦有其篇目司馬遷記武王
伐紂之事正與此合然則兩漢之時已在中秘非始
出於汲冢也觀其屬辭成章體製絕不與百篇相似

亦不類西京文字是蓋戰國之世逸民處士之所纂輯以備私藏者性命道德之幾微文武政教之要略與夫謚法職方時訓月令無不切於脩己治人雖其間駁而不純要不失爲古書也郡太守劉公廷幹好古尤至出先世所藏命刻板學宮俾行于世上不負古人之用心下得以廣諸生之聞見其淑惠後人不旣多乎至正甲午冬十二月四明後學黃玠謹志

昭德晁公武志

汲冢書十卷蓋晉太康中汲郡與穆天子傳同得晉孔晁註蓋孔子刪採之餘凡七十篇古者天子諸侯皆有史官唯書法信實者行于世秦漢罷黜封建獨天子之史存然史官或怯而阿世貪而曲筆虛美隱惡不足考信則儒學處士必私有記述以伸其志將來賴之以證史官之失其功亦大矣以司馬遷之博聞猶采數家之言以成其書況其下者乎亦有聞見單淺記錄失實胸臆偏私褒貶

汲冢周書 月一
弗公以誤後世在觀者慎擇而已矣


晉孔晁註周書十卷按隋唐經籍志藝文志皆稱此書得於晉太康中汲郡魏安釐王冢孔晁註或稱十卷或八卷大抵不殊若此則晉以前初未有此也然劉向所錄及班固並著周書七十一篇且謂孔子刪削之餘而司馬遷史記武王克殷事蓋與此合豈西漢世已得入中秘其後稍隱學者不道及盜發冢幸復出邪篇目比漢但闕一耳必班劉司馬所錄已繫之汲冢失其本矣書多駁雜


宜孔子所以不取戰國處士私相綴續託周爲名孔子亦未見古章句或舛訛難讀聊復傳寫以待是正巽巖李燾

夫子定書爲百篇矣孟子於武成取其二三策謂血流漂杵等語□於誇也今所謂汲冢周書多誇詡之辭且雜以詭譎之說此豈文武周公之事而孔孟之所取哉然其間畏天敬民尊賢尚德古先聖王之格言遺制尚多有之至於時訓明堂記禮者之所采錄克殷度邑司馬遷之所援據是蓋有

不可盡廢者晉很暉曰周志有之勇則害上不登
於明堂其語今見之篇中此吾夫子未定之書也
漢蕭何云周書曰天子不取反受其咎此則夫子
既定之後而書無此語意者其在逸篇乎其後班
固志藝文書凡九家有周書七十一篇劉向云周
時誥誓號令蓋孔子所論百篇之餘也以兩漢諸
人之所纂記推之則非始出於汲冢也明矣惜乎
後世不復貴重文字日就舛訛予始得本於李巽
巖家脫誤爲甚繼得陳正卿本川相參校脩補頗

多其間數篇尚有不可句讀脫文衍字亦有不
強解者姑且刻之俟求善本更加增削庶使流傳
以爲近古之書云嘉定十五年夏四月十一日東
徐丁黼謹識





汲冢周書卷第一

荃路

晉孔晁註明四明後學章彙校刻

度訓解第一

命訓解第二

常訓解第三

文酌解第四

耀匡解第五

度訓解第一

天生民而制其度

聖人為制法度

度小大以正權輕重以極

明本末以立中

制法度所以立中正

立中以補損補損以知足

損益以中為制故知足也

口爵以明等極

極中也貴賤之等尊卑之中也

極以正

民正中外以成命內外正則大命成也正上下以順政順其政

以內□□□自邇彌興自遠遠邇備極終也□微補

在□□分微在明知精□□□微分理有明故明王是以敬微而

順分分次以知和知和以知樂知樂以知哀哀樂以

知慧內外以知人慧者甚明所以知人凡民生而有好有惡小

得其所好則喜大得其所好則樂小遭其所惡則憂

大遭其所惡則哀言其性之自然凡民之所好惡生物是好

死物是惡民至有好而不讓不從其所好必犯法無

不必讓則爭爭則犯法矣

民至有惡不讓不去其所惡必

犯法無以事上徧行於此尚有玩民而况曰以可去

其惡而得其所好民能居乎徧為兼行好惡也能居乎言不能居好惡若

不□力何以求之言力爭也力爭則力政力政則無讓無

讓則無禮無禮雖得所好民樂乎爭則不樂若不樂乃所

惡也凡民不忍好惡不能分次忍為持久堅以次第不次則奪

奪則戰戰則何以養老幼何以救痛疾死喪何以胥

役也胥相也明王是以極等以斷好惡教民次分揚舉

力竟任壯養老長幼有報壯者任之老者養之幼者長之使相報此謂力竟也

民是以胥役也夫力竟非眾不赴眾非和不眾和之懷

衆和非中不立中非禮不慎禮非樂不履明王是以

無樂非人無哀非人言明王所樂所哀非人也人是以衆人衆賞

多罰少政之美也罰多賞少政之惡也罰多則困賞

多則乏之困無醜教乃不至醜謂所厚是以民主明醜以

長子孫子孫習服鳥獸仁德歸其仁德土宜天時百物行

治土之所宜天時所生皆行其物治之初廢初哉治化則順是故無

順非厲明醜以使之所成順者也長幼成而生曰順極言使小

皆成其事上也之心而生其義順之至也

命訓解第二

天生民而成大命賢愚自然之性命也命司德正之以禍福司主

也以德爲主有德正以福無德正以禍立明王以順之順天作故曰大命有

常小命日成成則敬有常則廣廣以敬命則度至于

極日成日進也如有則其人法度至中正也夫司德司義而賜之福祿福

祿在人能無懲乎若懲而悔過則度至于極懲正也以德居

身深術息其義夫或司不義而降之禍在人能無懲乎若懲

而悔過則度至于極夫民生而醜不明無以明之能

無醜乎若有醜而競行不醜則度至于極不謂醜者若道上爲

君夫民生而樂生無以穀之能無勸乎若勸之以忠

則度至于極穀善也謂忠信也夫民生而惡死無以畏之能

無恐乎若恐而承教則度至于極以死亡恐民使奉上易教也六

極既通六間具塞木中之道通則六間塞矣通道通天以正人正

人莫如有極道天莫如無極道謂言說之也道天有極則不

威不威則不昭正人無極則不信不信則不行政教不明

明王昭天信人以度功地以利之使信人畏天則度

至于極夫天道三人道三言相方以立教天有命有禍有福

人有醜有紕有斧鉞以人之醜當天之命以紕

當天之福以斧鉞當天之禍六方三迷其極一也不

知則不存一者善之謂也不行善不知故也極命則民墮民墮則曠

命曠命以誠其上則殆於亂此下六極謂行之極其道殆近極福則

民祿民祿則于善于善則不行善也極禍則民鬼民

鬼則淫祭淫祭則罷家罷弊其財且無禍也極醜則民叛民叛

則傷人傷人則不義民不堪行則叛義也極賞則民賈其上賈

其上則民無讓無讓則不順賈賣以功求其賞也極罰則民多

詐多詐則不忠不忠則無報上遇其禮不報已終凡此六者政

之始也明王是故昭命以命之曰大命世罰小命罰

身遺大命則世受罰犯小命則罰身福莫大於行義禍莫大於淫祭

醜莫大於傷人賞莫大於信義讓莫大於賈上罰莫

大於貪詐言此六者窮大古之明王奉此六者以牧萬民

用而不失不失其義撫之以惠和之以均斂之以哀娛之

以樂慎之以禮教之以藝震之以政動之以事勸之

以賞畏之以罰臨之以忠行之以權以權行之權不法忠

不忠罰不服賞不從勞事不震政不成言行權當有如此時藝

不淫禮有時樂不滿哀不至均不壹惠不忍人凡此

物攘之屬也物事惠而不忍人人不勝害害不如死害則死而循均一則不和哀至則置樂滿則荒禮無時

則不貴藝淫則害于才政成則不長事震則寡功不長

言近淺也震而其功寡矣以賞從勞勞而不至以法從中則賞賞

不必中以權從法則行行不必以知權權以知微微

以知始始以知終言事勢之相權物理之相致如此也

常訓解第三

天有常性人有常順順在可變性在不改學能故可變自然故

不改可因因在好惡好惡生變變習生常常則生

醜醜命生德雖有天性可因其好惡以變之明醜所以命之則德生矣明王於是

生政以正之民生而有習有常以習為常以常為慎

民若生于中習常為常習常為常如性自然故若生于中也夫習民乃

常為自血氣始性本所有而幼小習之若自其氣血生之始也明王自血氣

耳目之習以明之醜示之以好惡也醜明乃樂義樂義乃至

上上賢而不窮窮謂不肖之人哀樂不淫民知其至而至于

子孫民乃有古古者因民以順民皆有經遠之規謂之有古父教子子

教孫故曰因也夫民群居而無選為政以始之始之以古終

之以古言政必敬始慎終選行也行古志今政之至也政維今法

維古云云頑貪以疑疑意以兩平兩以參參伍以權權

數以多多難以允允德以慎慎微以始而敬終乃不

因重明終始之義困在空誘在王民乃苟苟乃不明哀樂不

時四徵不顯六極不服八政不順九德有奸九奸不

遷萬物不至吉以空導民政之弊夫禮非尅不承非樂不竟民

是之生口好惡有四徵喜樂憂哀動之以則發之以

文成之以名行之以化以中道化之也六極命聽福賞禍罰

六極不羸羸謂無常八政和平八政夫妻父子兄弟君臣

八政不逆九德純恪九德忠信敬剛柔和固貞順順

言曰政順政曰遂遂偽曰紆監物在目監聲在耳耳

因皆有疑疑言有樞樞動有和和意無等等謂差等萬民

無法□□在赦□復在古古者明王奉法以明幽幽

王奉幽以廢法奉則一人也而績功不同所行相反故也明

王是以敬微而順分

文酌解第四

民生而有欲有惡有樂有哀有德有則則有九聚德

有五寶哀有四忍樂有三豐惡有二咎欲有一極廣演

其義也極有七事咎有三尼豐有三類忍有四教寶有

五大聚有九酌又敷陳也九酌一取允移人二宗傑以觀

三發滯以正民四貸官以屬五人曰必禮六往來取

此七商賈易資八農人美利九□寵可動此言所酌為政之事

英傑人當親之地也五大一大知率謀二大武劔勇三大工賦

事四大商行賄五大農假貸言之為謀之即假貸振施者也四教一

守之以信二因親就年三取戚免梏四樂生身復年就

尊長年也戚近也免梏無患也三類一曰類祿質濃二陰福靈極三

留身散真類數也散失也三尼一除戎咎醜二申親考疏三

假時權要尼是也咎罪也考成也時是也七事一騰咎信志二援拔

瀆謀三聚疑沮事四騰屬威眾五處寬身降六陵塞

勝備七錄兵免戎騰勝也錄謂不備兵一極惟事昌道開蓄伐

言事事皆以忠政行之則吉昌之道開行而征伐之道蓄之也伐有三穆七信一幹

二御三安十二來信征伐之道必三穆一絕靈破城

二筮奇昌為三龜從兆凶絕神不淫祀也不七信一

仁之慎散二智之完巧三勇之精富四族之寡賄五

商之淺資六農之少積七貴之爭寵七者所宜一幹

勝權輿言有權無不與二御一樹惠不惑二既用茲憂瘵巖也

十二來一弓二矢歸射矢常可用三輪四輿歸御言亦可用五

鮑六魚歸蓄積以為資七陶八冶歸竈言竈善則陶治長也九柯十

匠歸林林當作材匠以為用十一竹十二箏歸時取之以時所以來人也

三穆七信一幹二御三安十二來伐道咸布物無不

落落物取配維有永究落始也數也究終也急哉急哉後失時

糴匡解第五

成年年穀足賓祭以盛言賓客宗廟足而不奢也大駟鍾絕服美

義滛大駟後滛滛過皂畜約制供餘子務藝皂廐別名畜則馬約制不常秩

宮室城廓修為備供有嘉菜於是日滿嘉善也為

不服美外有祭服內無文飾三牧五庫補攝事物相兼不物設也凡美不

屬滿之薑等也年儉穀不足賓祭以中盛有黍稷無稻梁樂唯鍾鼓

屬滿之

屬滿之

屬滿之

修餘子務穡於是糺秩糺之令年飢則勤而不賓舉

祭以薄用下樂無鐘鼓凡美禁書不早群車不雕攻

兵備不制民利不淫治征當商旅以救窮乏聞隨鄉

下鬻塾鬻賣分助有匡以綏無者於是救困大荒有禱

無祭飢饉師旅國不稱樂企不滿壑刑罰不脩舍用

振窮不滿壑不于治地君親巡方卿參告糴餘子倅

運開口同食民不藏糧曰有匡倅副也盡行此俾民

畜唯牛羊於民大疾惑殺一人無赦雖有凶疾惑而


男守疆戎禁不出五庫不膳喪禮無度祭以薄資戎

自守而已不征伐也禮無樂宮不悖嫁娶不以時賓


旅設位有賜不以時秋冬也媒氏會

喪儉也而速喪祭用

合以賓旅隨位賜之不饗燕



周書卷第一



周書卷第二

晉孔晁註明四明後學章彙校刻

武稱解第六

允文解第七

大武解第八

大明武解第九

小明武解第十

大匡解第十一

程典解第十二

程寤解第十三

秦陰解第十四

九政解第十五

九開解第十六

劉法解第十七

文開解第十八

保開解第十九

八繁解第二十

武稱解第六

大國不失其威小國不失其卑敵國不失其權此即所謂

稱也 鉅嶮伐夷并小奪亂口強攻弱而襲不正武之經

也經常伐亂伐疾伐疫武之順也武道逆取順守故曰順也賢者輔

之亂者取之作者勸之怠者沮之恐者懼之欲者趣

之武之用也武以爲用美男破老美女破舌淫圖破口淫

巧破時淫樂破正淫言破義武之毀也凡行此事所以毀敵國也

赦其衆遂其咎撫其口助其囊武之間也餌敵以分

而照其儲以伐輔德追時之權武之尚也以分謂以分器土田

此術春違其農秋伐其穡夏取其麥冬寒其衣服春

秋欲舒冬夏欲亟武之時也寒衣爲敗其絲麻冬夏寒暑盛故欲度之長

勝短輕勝重直勝曲衆勝寡強勝弱飽勝饑肅勝怒

先勝後疾勝遲武之勝也肅敬也追戎無恪窮寇不格

格闕也力倦氣竭乃易克武之追也追敵也旣勝人舉旗

以號令命吏禁掠無取侵暴爵位不謙田宅不虧各

寧其親民服如化武之撫也謙損也寧安也百姓咸服偃兵

興德夷厥險阻以毀其服四方畏服奄有天下武之

定也毀武謂毀敵之

允文解第七

思靜振勝允文維紀以靜規勝康文紀武昭告周行維旌所在

旗旌治亂所在收武釋賄無遷厥里官校屬職因其百吏其收

戎器不取賄因其官吏無敢改公貨少多賑賜窮士救瘠補病賦均

田布主施救也命夫復服用損憂耻孤寡無告獲厚咸

喜損除憂耻謂救罪振窮敷大惠也咸問外戚書其所在遷同氏姓

位之宗子誅其君為之主率用十五綏用安教用

顯允若得父母懷其德也寬以政之孰云不聽聽言靡

悔遵養時晦養時暗昧而誅之晦明遂語于時允武死思復

生生思復所使昧者脩明而遂告以信武也人知不棄愛守正戶上

下和協靡敵不下於守正戶言不逃亡執彼玉珪以居其宇庶

民咸畊童壯無輔無拂其取通其疆土民之望兵若

待父母彼謂亂邦之君是故天下一旦而定有四海

大武解第八

武有六制政攻侵伐搏戰政者征伐之政善政不攻善攻不

侵善侵不伐善伐不搏善搏不戰言廟勝也政有四戚五

和攻有四攻五良侵有四聚三斂伐有四時三與搏

有三哀四赦戰有六厲五衛六庠五虞

此皆有義然後能致其攻

四戚一内姓二外婚三友朋四同里

信所宜親也

五和一

有天無惡二有人無鄰三同好相固四同惡相助五

遠宅不薄

雖遠君皆厚之

此九者政之因也

言因此以成政也

四攻

者一攻天時二攻地宜三攻人德四攻行利

攻謂奪其計使

不成也

五良一取仁二取智三取勇四取材五取藝

來而任之良當為求字之誤也

此九者攻之開也

言開此道以成攻也

四聚一

酌之以仁二懷之以樂三旁聚封人四設圍以信三

斂一男女比二工次三祗人死

祗敬

此七者侵之酌也

言酌此法以成侵也

四時一春違其農二夏食其穀三秋取其

割四冬凍其稜

此皆所用以敵之凍謂發露其稜聚

三興一政以和時

二伐亂以治三伐飢以飽

此所行當之也

此七者伐之機也

機要也以此要成其伐也

三哀一要不羸二喪人三擯厥親

困窮如此要當為惡擯一作損

四赦一勝人必羸二取威信復三人

樂生身四赦民所惡

羸謂蓋之復謂有之皆赦救也

此七者搏之來

所以懷來之也

六厲一仁厲以行二智厲以道三武厲以

勇四師厲以士五校正厲御六射師厲伍

厲為治政也

五衛一明仁懷怒二明智輔謀三明武攝勇四明材

攝士五明藝攝官皆所以成戰矣五虞一鼓走疑二備從來

三佐車舉旗四采虞人謀五後動撚之撚從也皆求安道令之道

無競惟害有功無敗雖強常念害則不敗也

大明武解第九

畏敵大武曰維四方畏威乃寧大武之道四方畏威天下乃寧之也天

作武修戎兵以助義正違正順其義順天行五官官候厥

政謂有所亡五官舉大官之言亡無也城廓溝渠高厚是量謂敵人所

處也既踐戎野備慎其殃敬其嚴君乃戰救言當明耳目遠斥候

十藝必明加之以十因靡敵不荒荒敗也陣若雲布侵

若風行輕車翼衛在戎二方奔敵之陣如此我師之窮靡人

不剛知敵之強乃剛勇也十藝一大援二明從三餘子四長興

五伐人六刑餘七三疑八間書九用少十興怨刑餘救徒

用少者省費興怨離構也十因一樹仁二勝欲三賓客四通旅五

親戚六無告七同事八程巧九能十利事凡成皆有因也

勝欲以義勝欲藝因伐用是謂強轉應天順時時有寒暑言時

有難易也風雨饑疾民乃不處移散不敗農乃商賈委以

淫樂賂以美女謂扇動之使沈惑也主人若枝至城下高堙

臨內日夜不解枝謂堅也方陣並功云何能禦雖易必敵

是謂明武也樂當城高難平湮之以土開之以走路俄

傳器櫓湮土謂為土山以臨之也因風行火障水水下惠用元元

文誨其寡言務刑也旁隧外權隳城湮溪老弱單處其

謀乃難單處無保障既克和服使眾咸宜竟其金革是謂

大夷咸皆夷平

小明武解第七

凡攻之道必得地勢以順天時觀之以今稽之以古

兵凶器戰危事故以詳順之稽考也攻其逆政毀其地阻立之五教以

惠其下五教五常之教也矜寡無告寔為之主五教允中枝

葉伐興為之君枝葉謂眾善政也國為偽巧後宮飾女荒田逐獸

田獵之所游觀崇臺泉池在下淫樂無既百姓辛苦

言凡有此事皆可伐上有困令乃有極口上困下騰戎遷其野

敦行王法濟用金鼓濟成也言以金鼓濟其伐降以列陣無悅怒

口按道攻巷無襲門戶言不赦有罪怒伐無辜襲掩也無受貨賂攻

用弓弩上下禱祀靡神不下具行衝梯振以長旗先

禱而攻後戰也懷戚思終左右憤勇無食六畜無聚子女群

振若電造於城下鼓行參呼以正什伍言士卒之奮厲也上

有軒冕斧鉞在下勝國若化故曰明武軒冕所以為賞也

大匡解第十一

維周王宅程三年遭天之大荒

程地名在岐州左右後以為國初王季之

子文王因焉而遭饑饉後乃徙豐焉

作大匡以詔牧其方三州之侯咸

率文王初未得三分有二故三州也率謂奉順也

王乃召冢卿三老三吏大

夫百執事之人朝于大庭

冢卿孤卿三吏三卿也大庭公堂之庭

問罷

病之故政事之失刑罰之戾哀樂之尤

戾罪尤過

賓客之

盛用度之費及關市之征山林之匱田宅之荒溝渠

之害

匱荒害皆謂官不脩無征

怠惰之過驕頑之虐水旱之菑

皆以

為失之者

曰不穀不德政事不時國家罷病不能胥匡二

三子尚助不穀官考厥職鄉問其人

不尚尚也問人政得失

因

其耆老及其總害慎問其故無隱乃情總衆人也及某日

以告于廟有不用命有常不赦

明日王至廟告常者常刑也

王既

發命入食不舉百官質方口不食饗

王不舉樂百官徹膳以思其職

方及期日質明王麻衣以朝朝中無采衣

此凶服自居為荒變

官考其職鄉問其利因謀其蓄旁匡於衆無敢有違

衆衆民也百官率我故無違

詰退驕頑方收不服慎惟怠惰什伍

相保萬方故收其不服化者也

動勸游居事節時茂農夫任戶戶

盡夫出

茂勉也言無戶不出夫以勸農

農廩分鄉鄉命受糧程課物

徵躬競比藏農夫藏穀於廩分在諸鄉合藏不粥采

采不加均賦酒其幣鄉正保貸糧不加均多從所有

窮也余以貨成年不償信誠匡助以輔殖財名曰貸而不

民財也財殖足食克賦為征數口以食食均有賦均民

而征其賦也外食不瞻開關通糧糧窮不轉孤寡不廢

窮征困內不也滯不轉留戍城不留足以守出旅分

均馳車送逝旦夕運糧不成者不令留足以於是

告四方遊旅旁生忻通津濟道宿所至如歸有告者

也所歸幣租輕乃作母以行其子以貴重為母易資貴

賤以均遊旅使無滯非但租賦作母行無粥熟無室

市權內外以立均無釜暮間次均行均平民財行之

均行衆從積而勿以罰助均無使之窮平均無乏

利民不淫雖積賞進有無不隄防之使民有無播蔬

無食種可食之以數度多少省用國家祈而不賓祭

服漱不制不賓殺禮不車不離飾人不食肉畜不食

穀畜謂國不鄉射樂不牆合牆屋有補無作皆為荒

資農不敗務農桑之非公卿不賓賓不過具唯賓公

而已哭不留日登降一等留盡也降一等庶人不獨葬

伍有植送往迎來亦如之均恤與迎亦如植共送迎亦相救也有不用

命有常不違

程典解第十二

維三月既生魄文王合六州之侯奉勤于商三分天下有其

二以服事殷也商王用宗讒震怒無疆宗衆疆境也諸侯不娛逆

諸文王文王弗忍乃作程典以命三忠娛樂也不忍從諸侯即王

位所以為至德常典也曰助余體民無小不敬如毛在躬拔之

痛無不省毛以喻小也無不省故宜敬外也政失患作作而無備死

亡不誠誠在往事備必慎備思地思地慎制思制慎

人思人慎德德開開乃無患以往事誠將來開通言德合也慎德必

躬恕恕以明德德當天而慎下以慎道教天下下為上貸力

競以讓讓德乃行以讓為他慎下必翼上上中立而下比

爭省和而順慎同携乃爭和乃比翼敬也中立謂無比也比事

無政無政無選無選民乃頑頑乃害上無雋選之事在官故頑民

害上故選官以明訓頑民乃順慎守其教小大有度以

備菑寇小大凶也協其三族固其四援明其五候習其

武誠依其山川通其舟車利其守務修文教誠武士備聖王之事

大夫不雜於工商使各專其業商不厚工不枵農不力不可力治必善其事治乃成也

士之子不知義不可以長幼有士行之義方為正工不族居不

足以給官族不鄉別不可以入惠族謂群也雖不別其鄉所以行其惠

也為上不明為下不順無醜言國無耻醜也輕其行多其愚

不習不重其行自多其愚何智之有慎地必為之圖以舉其物物其

善惡別其地所生之物之善惡也度其高下利其陂溝愛其農時修

其等列務其土實務其勤樹範也差其施賦設得其宜宜協

其務務應其趣言其所施當也慎用必愛工攻其材商通其

財百物鳥獸魚鼈無不順時順時所為愛之也生穡省用不

濫其度津不行火藪林不伐濫過也非時不火不伐也牛羊不盡

齒不屠老不任用食之土勸不極美美不害用用乃思慎

備不敬不意多多用謂振施也用寡立親用勝懷遠遠格而邇安

老思行不備無違嚴戒必有忍乃有濟也終謂終其義之也格至也

程寤

秦陰

九政

九間

劉法

文開

保開

八繁

周書卷第二

周書卷第三

晉孔晁註明四明後學章璧校刻

豐保解二十一

大開解二十二

小開解二十三

文徹解二十四

文傳解二十五

柔武解二十六

大開武解二十七

小開武解二十八

寶典解二十九

豐謀解三十

寤敬解三十一

武順解三十二

武穆解三十三

酆保解第二十一

維二十三祀庚子朔九州之侯咸格于周王在酆昧
爽立于少庭王告周公旦曰嗚呼諸侯咸格來慶辛
苦役商吾何保守何用行且拜手稽首曰商爲無道
棄德刑範欺侮群臣辛苦百姓忍辱諸侯莫大之綱
福其亡亡人惟庸王其祀德純禮明允無二卑位柔
色金聲以合之王乃命三公九卿及百姓之人曰恭
敬齊潔咸格而祀于上帝商饋始于王因饗諸侯重
禮庶吏出送于郊樹昏于崇內備五祥六衛七厲十

敗四葛外用四蠹五落六容七惡五祥一君選擇二
官得度三務不舎四不行賂五察民困六衛一明仁
懷恕二明智設謀三明武攝勇四明才攝士五明藝
法官六明命攝政七厲一翼勤厲務二動正厲民三
靜兆厲武四翼藝厲物五翼言厲復六翼敬厲衆七
翼知厲道十敗一佞人敗撲二諂言毀積三陰資自
舉四女貨速禍五比黨不揀六佞說鬻獄七神龜敗
十八賓祭推谷九忿言自辱十異姓亂族四葛一葛
其農時不移二費其土慮不化三正賞罰獄無姦奇

四葛其戎謀族乃不罰四蠹一美好怪奇以治之二
淫言流說以服之三群巧仍興以力之四神巫靈寵
以惑之五落一示吾貞以移其名二微降霜雪以取
松柏三信蟠萌莫能安宅四厚其禱巫其謀乃獲五
流德飄狂以明其惡六容七游言二行商工三軍旅
之庸四外風之所揚五因失而亡作事應時時乃喪
六厚使以往來其所藏七惡一以物角兵二令美其
前而厚其傷三間得大國安得吉凶四交其所親靜
之以物則以流其身五率諸侯以朝賢人而已猶不
往六令之有求遂以生七見親所親勿與深謀命
友人疑且拜曰嗚呼王孫其尊天下適無見過過適
無好自益以明而迹嗚呼敬哉視五祥六衛七厲十
敗四葛不修國乃不固務周四蠹五落六容七惡不
時不允不率不緩反以自薄嗚呼深念之哉重維之
哉不深乃權不重從權乃慰不從乃潰潰不可復戒
後人復戒後人其用汝謀王曰允哉

大開解第二十二

維王二月既生魄王在鄴立于少庭兆墓九開開厥

後人八做五戒八做一□旦于開二躬修九過三族
修九禁四無競維義五習用九教六□用守備七足
用九利八寧用懷□五戒一祇用謀宗二經內戒工
三無遠親戚四離無薄曰五禱無憂玉及爲人盡不
足王拜做我後人謀競不可以藏戒後人其用汝謀
維宿不悉日不足

小開解第二十三

維三十有五祀王念曰多□正月丙子拜望食無時
汝開後嗣謀曰嗚呼于來後之人余開在昔曰明明

非常維德曰爲明食無時汝夜何修非躬何慎非言
何擇非德嗚呼敬之哉汝恭聞不命賈粥不讐謀念
之哉不索禍招無曰不免不庸不茂不次人菑不謀
迷棄非人朕聞用人不以謀說惡諂言色不知適
適不知謀謀泄汝躬不允嗚呼敬之哉後之人朕聞
曰謀有共翰如乃而舍人之好佚而無窮貴而不傲
富而不驕兩而不爭聞而不遙遠而不絕窮而不匱
者鮮矣汝謀斯何嚮非翼維有共枳枳亡重大害小
不堪柯引維德之用用皆在國謀大鮮無害嗚呼汝

何故非時何擇非德德枳維大人大人枳維卿卿枳
維大夫大夫枳維士登登皇皇□枳維國國枳維都
都枳維邑邑枳維家家枳維欲無疆動有三極用有
九因因有四戚五私極明與與有畏勸汝何異非義
何畏非世何勸非樂謀獲三極無疆動獲九因無限
務用三德順攻奸□言彼翼翼在意何時德春育生
素草肅踈數滿夏育長美柯華務水潦秋初藝不節
落冬大劉倍信何謀本□時歲至天視嗚呼汝何監
非時何務非德何興非因何用非極維周于民人謀
競不可以後戒後戒宿不悉日不足

文徵解第二十四

維文王告夢懼後祀之無保庚辰詔太子發曰汝敬
之哉民物多變民何嚮非利利維生痛痛維生樂樂
維生禮禮維生義義維生仁嗚呼敬之哉民之適敗
上察下遂信何嚮非私私維生抗抗維生奪奪維生
亂亂維生亡亡維生死嗚呼敬之哉汝慎守勿失以
詔有司夙夜勿忘若民之嚮引汝慎何非遂遂時不
遠非本非標非微非輝壤非壤不高水非水不流嗚

呼敬之哉倍本者槁汝何葆非監不維一保監順時
維周于民之適敗無有時蓋後戒後戒謀念勿擇

文傳解第二十五

文王受命之九年時維暮春在郃太子發曰吾語汝

所保所守守之哉厚德廣惠忠信愛人君子之行者四

德不為驕侈不為靡泰不淫於美括桂茅茨為愛費

君言務儉也因山林非時不斤斧以成草木之長川

就不決曰括澤非時不入網罟以成魚鼈之長不麇不卵以成鳥

獸之長畝漁以時童不夭胎馬不馳驚土不失宜言土

地所宜悉長之土可犯材可蓄潤濕不谷樹之竹箠莞蒲礫

石不可谷樹之葛木以為絺綌以為材用所為土故不失宜

凡土地之間者聖人裁之並為民利是魚鼈歸其泉

鳥歸其林取之以時不夭胎故孤寡辛苦咸賴其生得所生長材用山

以遂其材工匠以為其器百物以平其利商賈以通

其貨無二德也工不失其務農不失其時是謂和德和故不失

土多民少非其土也土少人多非其人也是故土多

發政以漕四方四方流之漕轉流歸言移內人也土少安帑而

外其務方輸外設業而四民方輸谷夏箴曰中不容利民乃外

次夏禹之箴戒書也業舍次於田開望曰土廣無守可襲伐土狹無

食可圍竭二禍之來不稱之灾開望古書名也政以人土相稱為善也

天有四殃水旱饑荒其至無時非務積聚何以備之

積財用聚谷蔬夏箴曰小人無兼年之食遇天饑妻子非其

有也大夫無兼年之食遇天饑臣妾輿馬非其有也

古者國家三年必有一年之儲非其有言流亡也戒之哉弗思弗行至無日

矣言不遠也不明開塞禁令者其如天下何不明謂失其機人各

修其學而尊其名聖人制之制而業用故諸橫生盡以養

從從生盡其養一丈夫橫生萬物也從生人也一丈夫天子也言兆民者天子也

無殺夭胎無伐不成材無墮四時如此者十年有十

年之積者王通三十年之計也有五年之積者霸無一年之

積者亡通計五年之計有五年也積也亡為無國家生十殺一者物十重

生一殺十者物頓空十重者王頓空者亡生多到重生少到空

兵強勝人人強勝天能制其有者則能制人之有天勝

勝有天命不能制其有者則人制之術自取之令行禁止王始

也出一曰神明出二曰分政有二名分君之明光亦明也出三曰

無適異出四曰無適與無適與者亡君臣無適異民無適與不亡何

也待

漢書卷之三

葉一席

柔武解第二十六

維王元祀一月既生魄王召周公旦曰嗚呼維在文

考之緒功此文王卒之明年春也維周禁五戎五戎不禁厥民

乃淫此成周也而謂之戎言五者不禁戎之道也一曰王觀幸時政墮不

疑二曰獄讐刑蔽奸吏濟貸濟貸成其貸也三曰聲樂□□

飾女滅德四曰維勢是輔維禱是怙五曰盤游安居

枝葉維落輔口怙恃盤游安居皆害之術五者不距自生戎旅故必

以德為本以義為術以信為動以成為心以決為計

以節為勝言以德為本以節為勝距戎之本也務在審時紀綱為序和

均□里以匡辛苦匡正也辛苦窮也見寇□戚靡適無□勝

國若化不動金鼓善戰不鬪故曰柔武四方無拂奄

有天下拂違也言威也

大明武解第二十七

維王一祀二月王在豐密命密人及商紂謀周大命訪於周公

旦曰嗚呼余夙夜維商密不顯誰和言欲以毀選之商密告歲

之有秋今余不獲其落若何和指萬物而商密欲攬我周不得其落恐將亡

周公曰茲在德敬在周其維天命王其敬命言天命在周當

敬命而巳遠戚無十和無再失維明德無佚所親近疎遠也再失為復

也失佚不可還維文考恪勤戰戰何敬何好何惡時不

敬殆哉言一佚不可還故念文王所敬王拜曰允哉余聞國有四戚

五和七失九因十淫非不敬不知言非不欲敬而未知所聞欲知之也

今而言維格余非廢善以自塞維明戒是祗而汝格至也是

余敬之周公拜曰茲順天天降寤于程程降因于商商

今生葛葛右有周言天寤周以和商謀商朝生葛是祐助周也維王其明

用開和之言言孰敢不格可否州濟曰和欲其開臣以和則忠告之言無不至

也四戚一內同外二外婚姻三官同師四哀同勞五

和一有天維國二有地維義三同好維樂四同惡維

哀五遠方不爭以文德來遠七失一立在廢二廢在祗三

比在門四諂在內五私在外六私在公七公不違所立

廢則功多廢所敬則不見疑口比諂近公私于錯公法不能違之所謂失九因一神有不

饗二德有所守三才有不官四事有不均五兩有必

爭六富有別七貪有匱八好有逐九敵有勝此皆因其事而

以誤彼國也十淫一淫政破國動不時民不保二淫好破

義言不協民乃不和三淫樂破德德不純民乃失常

四淫動破醜醜不足民乃不讓五淫中破禮禮不同

民乃不協六淫采破服服不度民乃不順七淫文破

典與不式教民乃不類八淫權破故故不法官民乃

無法九淫貸破職百官令不承十淫巧破用用不足

百意不成嗚呼十淫不違危哉今商維茲言商紂所行如此十

者之所蔽其唯第茲命不承殆哉不奉天命則危殆也若人之有政

令廢令無赦乃廢天之命訖文考之功緒忍民之苦

不祥廢政令罪不赦而乃廢天命口父之業忍民患是不祥也若農之服田務耕

而不釋維草其宅之既秋而不獲維禽其饗之人而

獲飢去誰哀之草居之是農不脩也獸食之是飢也王

拜曰格乃言嗚呼夙夜戰戰何畏非道何惡非是不

敬殆哉王乃以周公言為至故拜也

小開武解第二十八

維王二祀一月既生魄王召周公旦曰嗚呼余夙夜

忌商不知道極敬聽以勤天下周公拜手稽首曰在

我文考順明三極躬是四察循用五行戒視七順順

道九紀皆文王所行之三極既明五行乃常四察既是七順

乃辨明勢天道九紀咸當順德以謀罔惟不行言化道大

也行三極一維天九星二維地九州三維人四左九星四方

及五星也四左疏附四察一目察維極二耳察維聲

禦侮奔走先後是也

三口察維言四心察維念四者當所必察真偽五行一黑位水

二赤位火三蒼位木四白位金五黃位土言其所順而勤七

順一順天得時二順地得助三順民得和四順利財

足五順得助明六順仁無失七順道有功順天時得天道順道

有功得人功九紀一辰以紀日二宿以紀月三日以紀德

四月以紀刑日月之會曰晨甲乙十者於四方以紀日宿次十二紀十二月次日為禮月為

也法五春以紀生六夏以紀長七秋以紀殺八冬以紀

藏九歲以紀終四時終則成歲時候天視可監時不失以知

吉凶天視言視天時王拜曰允哉余聞在昔訓典中規非時

罔有格言日正余不足謙以受

寶典解第二十九

維王三祀二月丙辰朔王在鄙召周公旦曰嗚呼敬

哉朕聞曰何脩非躬躬有四位九德言脩身以四位九德也何

擇非人人有十姦凡人所不能免者何有非謀謀有十散不

圉我哉圉禁也何慎非言言有三信信以生寶寶以貴

物物周為器周用之為器美好寶物無常維其所貴信無

不行貴在周用行之以神振之以寶順之以事明眾以備

改口以庸庶格懷惠言治實以器用四位一曰定二曰正三

曰靜四曰敬敬位不哉靜乃時非正位不廢定得安

宅不大也時非九德一孝子畏哉乃不亂謀二悌悌

乃知序序乃倫倫不騰上上乃不崩不騰不越三慈

惠茲知長幼知長幼樂養老四忠恕是謂四儀風言

大極意定不移儀言也五中正是謂權斷補損知選六

恭遜是謂容德以法從權安上無慝選數七寬和是

謂寬宇准德以義樂獲純嘏純大也嘏大也八溫直

是謂明德喜怒不鄰主人乃服鄰問也九兼武是謂明

刑惠而能忍尊天大經九德廣備次世有聲長令有問十

姦一窮□□靜二酒行千理三辯惠千智四移潔千

清五死勇千武實少而曰六展允千信七比譽千讓

八阿衆千名九專愚千果十復孤千貞十者皆不誠之行故曰姦

十散一廢□□□□行乃泄□□□□□□□□□□三

淺薄間瞞其謀乃獲四說吡輕意乃傷營立五行恕

而不願弗憂其圖間瞞不察謂聽謀也六極言不度其謀乃費

七以親為踈其謀乃虛八心思慮適百事乃僻九愚

而自信不知所守十不釋太約見利忘親適單也言二者皆散

汝成三信一春生夏長無私民乃不迷二秋落冬殺有

常政乃盛行三人治百物物德其德是謂信極言其信至

而其余也信既極矣嗜欲口在在不知義欲在美好

有義是謂生寶以義為寶周公拜手稽首興曰臣既能生

寶恐未有子孫其敗有口其心恐有寶而致治也既能生寶

未能生仁恐無後親王寶生之恐失王會道維其廢

會所當會之寶王拜曰格而言維時余勸之以安位教之廣

安位謂信有德用寶而亂亦非我咎上設榮祿不患莫仁以言

榮祿祿口仁也則用是榮人也仁以愛祿允維典程既得其祿又增

其名上下咸勸孰不競仁維子孫之謀寶以為常仁言

人以愛祿為常法則人皆競仁欲愛子孫謀此為常

豐謀解第三十

維王三祀王在豐謀言告聞自文王受命至此十年也知敵情向人問人日

謀以紂聞豐謀告武王也王召周公旦曰嗚呼商其咸辜維日望

謀建功謀言多信今如其何言商君臣皆罪周日望以周建功也周公

曰時至矣乃興師循故言何伐紂之時至謂循古法初用三同一

戚取同一任用能三矢無聲矢誓言誓眾以盡心也三讓一近

市二賤粥三施資以財讓也近來民市旅資以惠也三虞一邊不侵

內二道不毆收三郊不留人虞禁也設此三禁所以悅也王曰嗚

仁

呼允從三三無咈厥徵可因

言三讓三同三虞無違言善徵可用以立功也

與周同愛愛微無疾疾取不取疾至致備

疾惡由禱不

德不德不成害不在小終維實天悔後乃無

曲為非義神不

聽帝念不諂應時作謀不敏殆哉周公曰言斯允格

誰從已出出而不允乃蓄

帝天也諂僭也敏疾也

往而不往乃

弱士卒咸若周一心

不往則是弱一心則不時也

寤敬解第三十一

維四月朔王告倣召周公旦曰嗚呼謀泄哉今朕寤

有商驚予

言夢為紂所伐故驚

欲與無口則欲攻無庸以王不

足戒乃不興憂其深矣

戒不興言所憂不從戒中來也

周公曰天下

不虞周驚以寤王王其敬命奉若稽古維王

虞度若順克

明三德維則

三德剛柔正直

戚和遠人維庸

和近人則遠人用

攻王

禱赦有罪懷庶有茲封福

庶衆封大

監戒善敗護守勿失

無虎傅翼將飛入宮擇人而食不驕不恡時乃無敵

此是義也

王拜曰允哉余聞曰維乃予謀謀時用臧不泄

不竭維天而已

聞古言也天道無窮

余維與汝監舊之葆咸祗

曰後戒維宿

言宿古文文戒於心

武順解第三十二

天道尚右日月西移地道尚左水道中流人道尚中

耳目役心言耳目為心所役也心有四佐不和曰廢四佐脾腎肺肝也

地有五行不通曰惡金木水火土更相生天有四時不時曰凶

天道曰祥地道曰義人道曰禮知祥則壽知義則立

知禮則行言其相通禮義順祥曰吉吉禮左還順地以利

本本謂人也武禮右還順天以利兵天右還也將居中軍順人

以利陣中人有中曰參無中曰兩兩爭曰弱三和

曰疆有中必有故曰參男生而成三女生而成五以室成室

成以民生民民以度陽奇陰耦謂相配成室左右手各握五左

右足各履五曰四枝元首曰末四枝手足元首頭也五五二十

五曰元卒伍兵名一卒居前曰開一卒居後曰敦開謂啓敦

服謂左右一卒曰間四卒成衛曰伯皆陣名伯卒名三伯一長

曰佐三佐一長曰右九伯卒也三右一長曰正三正一長

曰卿三卿一長曰辟伯卒則右千卒則正三千卒則卿萬卒舉令之於君辟君也此

謂諸侯三軍數起於伍故不正相當辟必明卿必仁正必智右必和言其德如此乃佐必敬伯必勤卒必力卒三十五人之師故以勇力為之也

辟不明無以慮官卿不仁無以集眾伯不勤無以行

令卒不力無以承訓訓謂先後辟也承謂奉行後令也均卒力貌而

無比則不順

比者比同也

均伯勤勞而無携携則不和

携離

均佐和敬而無留留則無成

留均右肅恭而無羞羞

則不興辟必文聖如度

言聖君有所為如度度功不有差也

元忠尚讓

親均惠下集固介德

介大也言必所集則常在大道也

危言不干德

曰正

不干謂不犯也

正及神人曰極世世能極曰帝

極謂其上

武穆解第三十三

曰若稽古曰昭天之道熙帝之載揆民之任夷德之

用

夷常總之以咸殷等之以禁成之以和成皆殷盛也皆

以法總之也

咸康于民卿格維時監于列辟視古公列也君以為師也

敬惟三事永有休哉三事一倡德二和亂三終齊德

有七倫亂有五遂齊有五備五備一同往路以揆遠

邇二明要醜友德以衆爾庸三明辟章遠以肅民教

四明義倡爾衆教之以服五要權文德不畏強寵

路謂口遠之也教之以服先王法服也五遂一道其通一決其壅二絕

□無赦不疑三挫銳無赦不危四閑兵無用不害五


復尊離群不敵群離故不敵也七倫一毀城寡守不路路通二

通道不載三小國不凶不伐四正維昌靜不疑五睦

忍寧于百姓中厚忍辱六禁害求濟民七一德訓民民乃

章明於教訓欽哉欽哉余夙夜求之無射

周書卷第三



周書卷第四

晉孔晁註明四明後學章彙校刻

和寤解第三十四 克寤解第三十五

克殷解第三十六 大匡解第三十七

文政解第三十八 大聚解第三十九

世俘解第四十 箕子解第四十一

耆德解第四十二

和寤解第三十四

王乃出圖商至于鮮原近岐周之地也召召公奭畢公

高王曰嗚呼敬之哉無競惟人人允忠惟事惟敬小

人難保言王以多賢人為強保安之也后降惠于民民罔不格惟風

行賄賄無成事人之歸惠如草應風如用賄則無成事緜緜不絕蔓蔓

若何豪末木撥將成斧柯此言防患在微也王乃厲翼于尹

氏八士唯固允讓厲獎厲也武王賢臣也德降為則振于四方

行有令問成和不逆加用禱巫神人允順言皆順成和志也

武寤解第三十五

王赫奮烈八方咸發高城若地商庶若化主士卒應王之奮烈

視高城若平地若化恐怖也約期于牧案用師旅商不足滅分禱

上下於牧野將戰先禱天地也王食無疆王不食言庶赦定宗言當

赦其罪人定其宗言不食言也尹氏八士太師三公咸作有續神無

不饗群臣言皆謀立功而神明享其禱王克配天合于四海惟乃末

寧德合四表

克殷解第三十六

周車三百五十乘陳于牧野帝辛從十三年正月牧野商郊紂出朝

歌二十里而迎戰也武王使尚父與伯夫致師挑戰王既以虎

賁戎車馳商師商師大敗戎車三百五十乘則士卒三萬六千三百五十人

虎賁三千五百人也商辛奔內登于廩臺之上屏遮而自燔于

火屏遮武王乃手太白以麾諸侯諸侯畢拜遂揖之

太白旗名揖召也商庶百姓咸俟于郊待文王於廓外也群

賓僉進曰上天降休再拜稽首諸侯賀武王也武王荅拜先

入適王所乃射之三發而後下車而擊之以輕呂

斬之以黃鉞輕呂折懸諸太白斬絕其首適二女之所乃

既縊二女姐已及孽妾縊自縊也王又射之三發乃右擊之以輕

呂斬之以玄鉞懸諸小白玄鉞黑斧小乃出場于厥

軍場平治社以及宮徹宜去者宜居者居遷也及期百夫荷素質之旗于

王前素質白旗前為王道也叔振奏拜假群臣諸侯應拜假者也則

曹叔振奏行也又陳常車周公把大鉞召公把小鉞以夾王

常車威儀車也三公夾衛王也泰顛闕天皆執輕呂以奏王王入即

位于社太卒之左執王輕呂當門奏太卒屯兵以衛也群臣畢從毛叔

鄭奉明水衛叔傅禮群臣盡從王而康叔相禮召公奭贊采師尚

父牽牲贊佐采事也倅王也尹逸筴曰殷末孫受德迷先成湯

之明侮滅神祇不祀紂字受德也神祇天地也舉天地則宗廟以下廢可知也昏

暴商邑百姓其彰顯聞於昊天上帝言上天五帝皆知紂惡也周

公再拜稽首乃出受天大命以改殷天明命王天口也立王子武庚命

管叔相為三監監殷人乃命召公釋箕子之囚命畢公衛叔

出百姓之囚

紂所拘囚者也

乃命南官忽振鹿臺之財巨橋

之粟

忽即振散之

乃命南官百達史佚遷九鼎三巫

鼎王者所傳寶三巫地名

乃命閔天封比干之墓

益其緣也

乃命宗祀

崇賓饗禱之于軍

宗祀主祀賓敬也

乃班

還部京也

大匡解第三十七

惟十有三祀王在管管叔自作殷之監東隅之侯咸

受賜于王王乃旅之以上東隅

東隅自殷以東旅謂名使陳其政事者也

用大匡順九則八宅六位

言大匡有此法

寬儉恭敬夙夜有

嚴

言當嚴敬思所順也

昭質非撲撲有不明明執於私私回不

中中忠於欲思慧醜詐

中於欲謂忠於絕私私欲也

昭信非展展

盡不伊伊言於允思復醜譖

伊伊誰也似信而非

昭讓非背

背黨雍德德讓於敬思賢醜爭

讓以得之非背棄也

昭位非忿

忿非直直立於衆思直醜比

位所以行道非以息忿忿怒也

昭政

非閑閑非遠節節政於進思止醜殘

政以道民以禁閑之也故貴得

也昭靜非窮窮居非意動於行思靜醜躁

仁者好靜窮非

取昭潔非為為窮非消消潔於行思義醜貪

消潔於利不以

自昭因非疾非不貞貞固於事思任醜誕

九則九醜自齊齊則曰知悖則死勇

明此九法則所醜義成九法威

則苟死於勇不知節勇知害上則不登于明堂明堂所以明道

明道惟法惟以法化人法人惟重老重老惟寶嗚呼在昔

文考戰戰惟時祗祗汝其言周尊者老人及政之寶也文王惟敬是道汝其

用之汝諸侯也夙夜濟濟無競惟人惟允惟讓不遠群正不

邇讒邪言當近正士遠諛人汝不時行汝害于士士惟都人孝

擗子孫不行是文王之不官則不長官戒有敬官道其如此也

朝道舍賓祭器曰八宅官以長官所戒惟敬則人宅順矣綏比新故

外內貴賤曰六位安之比之各以大官備武小官成

長奉承大匡封攝外用和大和平中匡用均勞故禮新

士大夫乃賓客小匡用惠施舍靜眾靜安也禁請無怨順生分

殺不忘不憚不計分部不失其理俾若九則生欲在國國咸敬

順維敬敬惟讓讓惟禮言周大匡使順九則生其所敬於國人皆順之以敬讓

之禮也辟不及寬有求假不及言同假於王道

文政解第三十八

惟十有三祀王在管管蔡開宗循管管叔之邑二叔開其宗族循縞宗

之政言從化也王禁九慝昭九行濟九醜尊九德止九過務

九勝傾九戒固九守順九典九人所茂政也濟謂濟其醜以好也順此戒也

九慝一不類二不服三不則四口務有不功五外有

內通六幼不觀國七問不通徑八家不開刑九大禁

不令路徑刑法也令不宣令也九行一仁二行三讓四言五固

六始七義八意九勇意於道也九醜思勇醜忘思意醜變

思治醜亂思固醜轉思信醜奸思讓醜殘思行醜頑

思仁醜豐殘謂殘禮義也九德一忠二慈三祿四賞五民之

利六商工受資七祗民之死八無奪農九是民之則

敬死勸葬也是民之則也九過一視民傲二聽民暴三遠慎而近

額四法令亂五仁善是誅六不察而好殺七不念

害行八不思前後九偷其身不路而助無漁九勝

一□□□□二□□□□三同惡潛謀四同好和因

五師□征惡六迎旋便路七明賂施舍八幼子移成

九迪名書新潛謀潛密之謀也移成謂易子而教也蹈名之子書而新用九戒一

內有柔成二示有危傾三旋有罷寘四亂有立信五

教用康經六合詳毀成七邑守維人八飢有兆積九

勞休無期柔成善柔諂人也罷寘言口困舍暗也康逸也合詳無德而信也守邑無備恃其人

衆皆危道九守一仁守以均二智守以等三固守以興四

信守維假五城溝守立六廉守以名七戒守以信八

競守以備九國守以謀言假言立信當至於義也九典一祗道以

六

明之二稱賢以賞之三典師以教之四四戚以勞之

五位長以遵之六群長以老之七群醜以移之八什

長以行之九戒卒以將之典師謀各隨所能而教之也遵行之以戒之事也將

之軍旅嗚呼充虛為害無由不通無虛不敗陰陽姦謂之充

行陣也國無人謂之虛也

大聚解三十九

維武王勝殷撫國綏民乃觀於殷政告周公旦曰嗚

呼殷政總總若風草有所積有所虛和此如何總總亂也

有積有虛言不華也周公曰聞之文考來遠賓廉近者道別其

陰陽之利相土地之宜水土之便

禮遠賓廉近者道總土宜以受民也

營邑制命之曰大聚先誘之以四郊王親在之

四郊自近

始也在存也

賓大夫免刑以選赦刑以寬復亡解辱

亡者復之

辱者解之

削赦重皆有數此謂行風

行風化也

乃令縣鄙商

旅日能來三室者與之一室之祿

以一大夫之耕祿者

闢開修

道五里有郊十里有井二十里有舍

待行旅也

遠旅來至

關人易資含有委

貿易供其資也

市有五均早暮如一送行

逆來振乏救窮

均平也言早暮一價

老弱疾病孤子寡獨惟政

所先

當先恤也

民有欲畜發令

命之畜收

以國為邑以邑為鄉

以鄉為閭禍灾相卹資喪比服邑閭比相救卹比服祖喪服也五戶

為伍以首為長十夫為什以年為長首為伍家冢服合閭立

教以威為長合旅同親以敬為長教由威行旅會敬親飲食相

約與彈相庸耦耕耜男女有婚墳墓相連民乃有

親言相通也六畜有群室屋既完民乃歸之六畜牛馬猪羊犬雞卿

立巫醫具百藥以備疾灾畜五味以備百草草味同言五味

非一也立勤人以職孤立正長以順幼立職喪以卹死

立大葬以正同職立同君子以脩禮樂立小人以教用

兵禮樂干戚兵之也立卿射以習客春和獵耕耘以習遷行

群行出入坐起隨行教茅與樹藝比長立職與田疇皆通根衍田茅

比長之職通連比也立祭祀與歲穀登下厚薄此謂德教登下隨穀

豐儉也若其凶土陋民賤食貴貨是不知政不順政故曰凶山

林藪澤以因其口工匠役工以攻其材商賈趣市以

合其用言政行也外商資貴而來貴物益賤資賤物出貴

物以通其器通其有無使相口也夫然則關夷市平財無鬱廢

商不乏資百工不失其時無愚不教口無窮乏則此

謂和德言政治和之所致也若有不言乃政其凶陂溝道路藜

苴丘坟不可樹穀者樹之材木除藜種木春發枯槁夏發

葉榮秋發實疎冬發薪烝以匡窮困以此匡也揖其民

力相更為師因其土宜以為民資更相為師匡資次用也則生

無乏用使無傳尸此謂仁德傳於旦聞禹之禁春三

月山林不登斧以成草木之長夏三月川澤不入網

罟以成魚鱉之長且以并農力執成男女之功男耕女桑

成此功也夫然則有生而不失其宜萬物不失其性人不

失其事天不失其時以成萬財萬財既成放此為人

此謂正德放散供人用也泉深而魚鼈歸之草木茂而鳥獸

歸之稱賢使能官有材而歸之關市平商賈歸之分

地薄斂農民歸之水性歸下農民歸利歷言自王若

欲求天下民先設其利而民自至譬之若冬日之陽

夏日之陰不召而民自來此謂歸德政善德之至也五德既

明民乃知常武王再拜曰嗚呼允哉天民側側余知

其極有宜側側喻多長有國也乃召昆吾治而銘之金版藏府

而朔之昆吾古之利治朔月旦朔省之也

世俘解第四十

維四月乙未日武王成辟四方通殷命有國言成者執殷俘

通之以為國也此惟一月丙辰旁生魄若翼日丁巳

王乃步自于周征伐商王紂旁廣大月大時也此本紀始伐紂師度孟津也越若來二月既死魄越五日甲子朝至接于商也越於

後為死魄則咸劉商王紂執天惡臣百人劉尅也天惡臣崇侯之崇太

公望命禦方來丁卯望至告以馘俘禦追循亦祀以禦紂黨方來戊

辰王遂禦循自祀文王時日王立政尅紂告祖考壇

禪而祭是日立王政布天下呂他命伐越戲方壬申荒新至告以

馘俘呂他將也戲方紂三邑也侯來命伐靡集于陳辛巳至告以

馘俘侯來亦將也靡陳紂二邑也甲申百弁以虎賁誓命伐衛告

以馘俘百弁亦將辛亥薦俘殷王鼎殷國之鼎武王乃翼矢珪

矢憲告天宗上帝矢陳也稷木牢引於天也王不格服格于廟秉

語治庶國籥人九終不改終天之服以告祖考急於語治也廟無別人也王烈

祖自太王太伯王季虞公文王邑考以列升維告殷

罪虞公虞仲邑考文王子也皆升王於帝籥人造王秉黃鉞正國伯於

人進則王進王伯之仕也壬子王服袞衣矢琰格廟籥人造王秉

黃鉞正邦君正諸侯之位也癸酉薦殷俘王士百人王士紂之士所

囚俘者籥人造正矢琰秉黃鉞執戈王奏庸大享一終

王拜手稽首王定奏其大享三終大享獻爵奏庸擊鐘甲寅謁

我殷于牧野王佩赤白旂籥人奏武王入進萬獻明

汲冢周書卷四

仁

明三終謂告也明明詩篇名武以千羽為萬舞也乙卯籥人奏崇禹生開

三鍾終王定崇禹生開皆篇名告非一故連由有事也庚子陳本命伐磨

百韋命伐宣方新荒命伐蜀乙巳陳本命新荒蜀磨

至告禽霍侯俘艾佚侯小臣四十有六禽禦八百有

三百兩告以馘俘此復說尅紂所命伐也庚子三十六月禦大臣也百韋至

告以禽宣方禽禦三十兩告以馘俘百韋命伐厲告

以馘俘言兩隅之言也武王狩禽虎二十有二猫二麋五千

二百三十五犀十有二鼈七百二十有一熊百五十

有一羆百一十有八豕三百五十有二貉十有八麀

十有六麝五十麋三十鹿三千五百有八武王克紂遂櫛其國

禽獸所獲武王遂征四方凡愆國九十有九國愆惡也馘魔

億有十萬七千七百七十有九俘人三億萬有二百

三十武王以不殺為仁無緣馘億也俘馘之多此六言史也凡服國六百五十

有二此屬紂也時四月既旁生魄越六日庚戌武王朝

至燎于周維予冲子綏文此於甲乙十六日也先廟後天者言功業已成故也

武王降自車乃俾史佚繇書于天號使史佚用書重薦俘于天也

武王乃廢于紂矢惡臣人百人伐右厥甲小子鼎大

師廢其惡人伐其小子乃鼎之衆也伐厥四十夫家君鼎師司徒司

馬初厥于郊號言初克紂于商郊號令所伐也武王乃夾于南門用

倅皆施佩衣先馘入言陳列倅馘于宗廟南門夾道以示衆也取乃表之施之

以耻武王在祀太師負商王紂懸首白旂妻二首赤

旆乃以先馘入燎于周廟王在祀主使樂師以紂首及妻首所馘入廟燎也

若翼日辛亥祀于位用齋于天位此說詳庚戌明日郊天祭倅所用齋

衣事越五日乙卯武王乃以庶祀馘于國周廟翼子

冲子斷牛六斷羊二於辛亥五以諸侯祭日其有斷然者庶國乃竟告

于周廟曰古朕聞文考修商人典以斬紂身告于天

于稷言諸侯竟殺牲自周廟天稷也用小牲羊豕於百神水土于

誓社百神天宗水土山川誓告也曰惟予冲子綏文考至于冲子

用牛于天于稷五百有四乃宗廟山川也用小牲羊豕于百

神水土社二千七百有一所用甚多以皆楹之商王紂于商郊

更說始伐紂時時甲子夕商王紂取天智王琰璠身厚以自

焚天智王之上天美者也璠環以自厚也比厥有庶告焚玉四千衆人告武

王焚玉四千也五日武王乃禋於千人求之四千庶則銷天


智玉五在火中不銷紂身不盡玉亦不銷比天智玉武王則寶

與同言王者所寶不銷也凡武王倅商舊玉億有百萬

箕子

者德 並亡

周書卷第四



周書卷第五

晉孔晁註明四明後學章彙校刻

商誓解第四十三

度邑解第四十四

武倣解第四十五

五權解第四十六

成開解第四十七

作雒解第四十八

皇門解第四十九

大戒解第五十

商誓解第四十三

王若曰告爾伊舊何父□□□□幾耿肅執乃殷之

舊官人序文□□□□及太史比小史昔及百官里

居獻民□□□來尹師之敬諸戒疾聽朕言用胥生
蠲尹王曰嗟爾衆予言非敢顧天命予來致上帝之
威命明罰今惟新誥命爾敬諸朕話言自一言至于
十話言其惟明命爾王曰在昔后稷惟上帝之言克
播百穀登禹之績凡在天下之庶民罔不維后稷之
元穀用蒸享在商先哲王明祀上帝□□□亦維
我后稷之元穀用告和用胥飲食肆商先哲王維厥
故斯用顯我西土今在商紂昏憂天下弗顯上帝昏
虐百姓奉天之命上帝弗顯乃命朕文考曰殪商之

多罪紂肆予小子發不敢忘天命朕考胥翁稷政肆
上帝曰必伐之予惟甲子尅致天之大罰□帝之來
革紂之□予亦無敢違天命敬諸昔在我西土我其
齊言胥告商之百無罪其維一夫子既極紂承天命
子亦來休命爾百姓里居君子其周即命□□□□
□□□□□爾冢邦君無敢其有不告見于我有周
其比冢邦君我無攸愛上帝曰必伐之今予惟明告
爾子其往追□紂達趨集之于上帝天王其有命爾

百姓獻民其有綴芳夫自敬其有斯天命不令爾百
姓無告西土疾勤其斯有何重天維用重勤興起我
罪勤我無克乃一心爾多子其大自敬助天求休于
我西土爾百姓其亦有安處在彼宜在天命□及惻
興亂予保奭其介有斯勿用天命若朕言在周曰商
百姓無罪朕命在周其乃先作我肆罪疾予惟以先
王之道御復正爾百姓越則非朕負亂惟爾在我王
曰百姓我聞古商先哲王成湯克辟上帝保生商民
克用三德疑商民弗懷用辟厥辟今紂棄成湯之典

肆上帝命我小國曰革商國肆予明命汝百姓其斯
弗用朕命其斯爾冢邦君商庶百姓子則□劉滅之
王曰霍予天命維旣咸汝克承天休于我有周斯小
國于有命不易昔我盟津帝休辨商其有何國命予
小子肆我殷戎亦辨百度□美左右予肆劉殷
之命今予維篤祐爾予史太史違我史視爾靖疑胥
敬請其斯一話敢逸僭予則上帝之明命予爾拜拜
□百姓越爾庶義庶刑子維及西土我乃其來即刑
乃敬之哉庶聽朕言罔胥告

度邑解第四十四

維王尅殷國君諸侯乃厥獻民徵主九牧之師見王于殷郊王乃升汾之阜以望商邑永嘆曰嗚呼不淑允天對遂命一日維顯畏弗忘王至于周自□至于丘中具明不寢王小子御告叔旦叔旦亟奔即王曰久憂勞問周不寢曰安予告汝王曰嗚呼且惟天不享于殷發之未生至于今六十年夷羊在牧飛鴻過野天自幽不享于殷乃今有成維天建殷厥徵天民名三百六十夫弗顧亦不賓成用戾于今嗚呼于憂

茲難近飽于卹辰是不室我來所定天保何寢能欲王曰旦予克致天之明命定天保依天室志我共惡俾從殷王紂四方赤宜未定我于西土我維顯服及德之方明叔旦泣涕于常悲不能對王□□傳于後王曰旦汝維朕達第予有使汝汝播食不遑暇食矧其有乃室今惟天使予惟二神授朕靈期于未致予休□近懷予朕室汝惟幼子大有知昔皇祖底于今勗厥遺得顯義告期付于朕身肆若農服田飢以望穫予有不顯朕卑皇祖不得高位于上帝汝幼子庚

厥心庶乃來班朕大環茲于有虞意乃懷厥妻子德
不可追于上民亦不可答于朕下不賓在高祖維天
不嘉于降來省汝其可瘳于茲乃今我兄弟相後我
筮龜其何所即今用建庶建叔且恐泣涕共手王曰
嗚呼且我圖夷茲殷其惟依天其有憲今求茲無遠
慮天有求繹相我不難自洛汭延于伊汭居陽無固
其有夏之居我南望過于三塗我北望過于有嶽不
願瞻過于河宛瞻于伊洛無遠天室其曰茲曰度邑

武倣解第四十五

惟十有二祀四月王告夢丙辰出金枝郊寶開和細
書命詔周公旦立後嗣屬小子誦文及寶典王曰嗚
呼敬之哉汝勤之無蓋□周末知所周不周商□無
也朕不敢望敬守勿失以詔賓小子曰允哉汝夙夜
勤心之無窮也

五權解第四十六

維王不豫于五日召周公旦曰嗚呼敬之哉昔天初
降命于周維在文考克致天之命汝維敬哉先後小
子勤在維政之失政有三機五權汝敬格之哉克中

無苗以保小子于位三機一疑家二疑德三賢士疑
家無授衆疑德無舉士賢士無遠齊吁敬之哉天命
無常敬在三機五權一曰地地以權民二曰物物以
權官三曰鄙鄙以權庶四曰刑刑以權常五曰食食
以權爵不遵奉括食不宣不宣授臣極賞則泯泯得
不食極刑則仇仇至乃別鄙庶則奴奴乃不滅國大
則驕驕乃不給官無庶則荷荷至乃辛物庶則爵擗
不和地庶則荒荒則聶人庶則匱匱乃匿嗚呼敬之
哉汝慎和稱五權維中是以以長小子于位實維求

寧

成開解第四十七

成王九年大開告用周公大開告道周公曰嗚呼余

夙夜之勤今商孽競時逋播以輔余何循何循何慎

王其敬文命無易天不虞言商餘紂子祿父競求是
逋播逃越之人以自輔當

敬天命備不虞者也在昔文考躬修五典勉茲九功敬人畏天

教以六則四守五示三極祇應八方立忠協義乃作

祇敬三極一天有九列別時陰陽之地有九州別處

五行三人有四佐佐官維明五示顯允明所望四佐謂天

子前疑後丞右輔左弼也當明謂五示示於民也五示一明位示士二明惠

示衆三明主示寧四安宅示擊五利用示產王明三明安宅

用則產業衆妻于寧固利產足窮家懷思終主為之宗德以撫衆

衆和乃同信五示之義同為和同也四守一政盡人材材盡致死

二土守其城溝三障水以禦寇四大有沙炭之政任

盡其材則死力効致九沙熾炭可以政適人也六則一和衆二發鬱三明怨

四轉怒五懼疑六因欲鬱謂谷帛滯積省也怨則轉之懼則疑之欲則因之此文

王所以尅紂也九功一賓好在筭二淫巧破制三好危破事

四任利敗功五神巫動衆六盡哀民匱七荒樂無別

八無制破教九任謀生詐在筭謂實幣於司無節限也盡謂送終過制無別亂

同也任謀謂權變也不犯此則成功也和集集以禁實有離莫逐通其

五典一言父典祭祀昭天百姓若敬二顯父登德

德降為則則信民寧言祭祀見享受福臣乃化則法信民心也三正父登

過過慎於武設備無盈使正舉事過於前無自滿四機父登失脩

官官無不敬五制衰節用政治民懷

使刺譏之士舉政之失其官官無不敬矣懷猶歸之也五典有常政乃重開之

守內則順意外則順敬內外不爽是曰明王重開言無爽也

王拜曰允哉維予聞曰何鄉非懷懷人惟思思若不

及禍格無日格至式皇敬哉余小生思繼厥常以昭文

祖定武考之列式用皇天嗚呼余夙夜不寧

作雒解第四十八

武王克殷乃立王子祿父俾守商祀封以鄭祭成湯建管叔

于東建蔡叔霍叔于殷俾監殷臣東謂衛魯武

王既歸成歲十二月崩鎬建予岐周乃謂乃後之周歲也建攢塗周

公立相天子三叔及殷東徐奄及熊盈以略立謂為宰攝政

也殷祿父徐戎奄謂殷之諸侯周公召公內弭父兄外撫諸侯九年

夏六月葬武王於畢弭安畢也二年又作師旅臨衛政殷

殷大震潰下叛其上曰潰降辟三叔王子祿父北奔管叔經

而卒乃囚蔡叔于郭凌郭凌地名比所征熊盈族十

有七國俘維九邑俘囚為奴十七國之九邑罪重故囚之俘殷獻民遷

于九里獻民士大夫也九里成周之地近王化也俾康叔宇于殷俾中旄

父宇于東康叔代霍叔中旄代管叔周公敬念于後曰予畏周室

克追俾中天下成王二年秋迎周公三年春歸也周公追長尊王也及將致政

乃作大邑成周于土中王城也於天城方千七百二

十丈郭方七百里南繫于洛水地因于剡山以為天

下之大湊郭郭也繫因皆連接也湊會也制郊甸方六百里國西土

為方千里

西土岐周通為圻內

分以百縣縣有四郡郡有□鄙

大縣城方王城三之一小縣立城方王城九之一三

九分居其一郡鄙不過百室以便野事耕桑之事農居鄙得以

庶士士居國家得以諸公大夫居治也治鄙以農凡

工賈胥市臣僕州里俾無交為工賈百胥人臣僕各異州里而居不相雜

交也胥侍也乃設丘兆于南郊以上帝配□后稷設築壇城內郊

南郭也日月星辰先王皆與食先王后稷謂郊時諸受命於周

乃建大社于周中受封也其墮東責土南赤土西白土

北驪土中央疊以黃土將建諸侯鑿取其方一而之

土苞以黃土苴以白茅以為土封故曰受則土於周

室其方謂建東方諸侯以青土覆茅苴裹土封之為社也乃位五宮大廟宗宮

考宮路寢明堂五宮官府寺也大廟后稷二宮祖考廟也路寢王所居也明堂在國南者

也咸有四阿反玷重亢重郎常累復格藻稅設移旅

楹燾常畫咸皆也廟四下日阿反玷外尚室也重亢累棟也重郎累屋也常累系也復格累之

孺也并藻稅畫梁柱也承屋曰移旅別也內階玄階

堤唐山廡以黑石為階唐中庭道堤謂為高之也廡謂畫山雲應門庫臺玄闔

門者皆有臺於庫門是之後可知也又以黑石為門階也

皇門解第四十九

維正月庚午周公格左闕門會群門格至也路寢左門曰皇門闕音

皇也曰嗚呼下邑小國克有耆老據屏位建沈入非不

用明刑耆老之賢人也又建立沈伏賢人不阻明法維其開告于予嘉德

之說言下邑所行而我法之是開告我於善德之說命我辟王小至于大我

聞在昔有國誓王之不綏于卹小至于大者小大邦君也卹憂言思治也

乃維其有大門宗子勢臣內不茂揚肅德訖亦有孚

以助厥辟勤王國王家大門宗子適長勢臣顯仕茂勉肅敬訖既也孚信也乃

方求論擇元聖武夫羞于王所言旁自羞進其善臣以至

十有分私子苟克有常罔不允通咸獻言在于王所

私子庶孽也常謂常德言皆信通於義以益王也人斯是助王恭明祀敷明

刑言善人君子皆順是助法王也王用有監明憲朕命用克和有成

用能承天嘏命監視明此事法故能承天命正天下也百姓兆民用罔

不茂在王庭勉在王庭獻言于王所也先用有勸永有于上下

上謂天下謂地也人斯既助厥勤勞王家助君也謂大明衆于也先人

神祇報職用休俾嗣在厥家先人及天地報之王用善詔家王國用

寧小人用格能稼穡咸祀天神戎兵克慎軍用克

多神祐之故王用奄有四鄰遠土丕承萬子孫用末被先

王之靈光奄同丕大末終至于厥後嗣弗見先王之明刑維

時及昏學于非夷時有昏相為是相學與非常也以家相厥室弗卹

王國王家維德是用言勢人以大夫私家不憂王家之用德以昏求臣

作威不祥不屑聽無辜之亂祥善也不察無罪以惡民也辭是

羞于王言順不進之辭于王王阜良乃惟不順之言于是人斯

乃非維直以應維作誣以對俾無依無助阜大良善也王求善

而是人作誣以對譬若敗犬驕用逐禽其猶不克有

獲驕謂不習也言得猶驕犬逐禽不能獲是人斯乃讒賊媚嫉以

不利于厥家國言賊仁賢忌媚嫉妬以不利其君譬若匹夫之有婚

妻曰子獨服在寢以自露厥家寢室也言自露於家言謂美好喻昏臣也

媚夫有邇無遠乃食蓋善夫俾莫通在士王所食為野

媚夫見近利而無遠慮利為掩蓋善夫使莫通乃維有奉狂夫是陽是繩是

以為上是授司事于正長言陽舉征夫以為上人為官長正長其事也命

用迷亂獄用無成小民率穡命者教也率皆痛愁困也保用無用

壽亡以嗣天用弗保安民之用無所宣施是故民失其性天所不安用非其人故也

媚夫先受殄罰國亦不寧嗚呼敬哉監于茲朕維其

及殄絕其世也及其人也朕蓋臣夫明爾德以助予一人憂蓋進

也言我進用之臣大明無維乃身之暴皆卹爾假予

德憲資告予元假借資用也借我法用德之告我我大德之所行也譬若眾敗

德憲資告予元假借資用也借我法用德之告我我大德之所行也譬若眾敗

常扶予險乃而予于濟如衆令政微相扶持也齊遂也汝無作

大戒解第五十

維正月既生魄王訪于周公曰嗚呼朕聞維時兆厥

工非不顯朕實不明兆始工官言政治維是始正其官維士非不務

而不得助大則驕小則懾懾謀不極言務求士而不得助如此之難

極中也予重位與輕服非共得福厚用遺重所重在於重位輕服所

立非夫德而享福用之是求益之言也庸止生邈庸行信貳衆輯群政

不輯多匿嗚呼予夙勤之無或告余非不念念不知

止容也常信貳則難得中也我雖勤之無有告我者徒知而不得明知也周公曰於敢稱

乃武考之言曰微言入心夙喻動衆大乃不驕行惠

於小小乃不懾言武王之有此言連官集乘同憂若一謀有

不行予惟重告爾連官則同憂戚集衆事則同憂濟謀有不行必行也庸厲

以餌士權先申之明約必遺之其位不尊

其謀不陽我不畏敬材在四方早當畏敬聖者尊其位陽其謀也在四方

言無擅于人塞匿勿行患戚咸服孝悌乃明擅人專已塞逆

陰忌口惠明立威耻亂使衆之道撫之以惠内姓無

感外姓無譴鄙即其亂則思治矣内長人知其罪上

之明審教幼乃勤貧賤制設九備乃無亂謀上明則不

隱情故曰知罪九備一忠正不荒美好乃不作惡順人心明察則民化

善而四說聲色憂樂盈匿五碩信傷辯曰費六

出觀好怪內乃淫巧碩大怪異七謀躁內乃荒異八

好威民衆日墜九富寵極足是大極內心其離

室也九備既明我貴保之應協以動遠邇同功應協以動

動必以和謀和適同覆以觀之上明仁義援貢有備上謂君也

聚財多以援成功克禁淫謀衆匿乃雍言閉塞不行也順


得以動人以立行輯佐之道上必盡其志然後得其


謀言和輯求助當先順人也無其信雖危不動以昭其乃

得人轉移貞信如此得其用也上危而轉下乃不親上危而下不親之不足信

故王拜曰允哉允哉敬行天道

汲冢周書卷五





汲冢周書卷六

晉孔晁註明四明後學章彙校刻

周月解第五十一

特訓解第五十二

月令解第五十三

謚法解第五十四

明堂解第五十五

嘗麥解第五十六

本典解第五十七

周月解第五十一

惟一月既南至昏昴畢見日短極基踐長微陽動于
黃泉陰慘于萬物是月斗柄建子始昏北指陽氣虧

草木萌蕩日月俱起于牽牛之初右回而行月周天起一次而與日合宿日行月一次周天歷合于十有二辰終則復始是謂日月權輿周正歲道數起于時一而成于十次一爲首其義則然凡四時成歲有春夏秋冬各有孟仲季以名十有二月中氣以著時應春三月中氣雨水春分穀雨夏三月中氣小滿夏至大暑秋三月中氣處暑秋分霜降冬三月中氣小雪冬至大寒閏無中氣斗指兩辰之間萬物春生夏長秋收冬藏天地之正四時之極不易之道夏數得天

百王所同其在商湯用師于夏除民之災順天革命改正朔變服殊號一文一質示不相沿以建丑之月爲正易民之視若天時大變亦一代之事亦越我周王致伐于商改正異械以垂三統至於敬授民時巡狩祭享猶自夏焉是謂周月以紀于政

時訓解第五十二

立春之日東風解凍又五日蟄蟲始振又五日魚上冰風不解凍號令不行蟄蟲不振陰虧陽魚不上冰甲冑私藏雨水之日獺祭魚又五日鴻鴈來又五日

草木萌動獺不祭魚國多盜賊鴻鴈不來遠人不服
草木不萌動果蔬不孰驚蟄之日桃始華又五日倉
庚鳴又五日鷹化爲鳩桃始不華是謂陽否倉庚不
鳴臣不□主鷹不化鳩寇戎數起春分之日玄鳥至
又五日雷乃發聲又五日始電玄鳥不至婦人不□
雷不發聲諸侯□民不始電君無威震清明之日桐
始華又五日田鼠化爲鴛又五日虹始見桐不華歲
有大寒田鼠不化鴛國多貪殘虹不見婦人苞亂穀
雨之日萍始生又五日鳴鳩拂其羽又五日戴勝降

于桑萍不生陰氣憤盈鳴鳩不拂其羽國不治兵戴
勝不降于桑政教不中立夏之日蜩螗鳴又五日蚯蚓
出又五日王瓜生蜩螗不鳴水潦淫漫蚯蚓不出
雙奪后王瓜不生困於百姓小滿之日苦菜秀又五
日靡草死又五日小暑至苦菜不秀賢人潛伏靡草
不死國縱盜賊小暑不至是謂陰慝芒種之日螳螂
生又五日鳴始鳴又五日反舌無聲螳螂不生是謂
陰息鳴始鳴令奸壅偪反舌有聲佞人在側夏至
之日鹿角解又五日蜩始鳴又五日半夏生鹿角不

解兵革不息蝮不鳴貴臣放逸半夏不生民多厲疾
小暑之日溫風至又五日蟋蟀居壁又五日鷹乃學
習溫風不至國無寬教蟋蟀不居壁急恒之暴鷹不
學習不備戎盜大暑之日腐草化爲螢又五日上潤
溽暑又五日大雨時行腐草不化爲螢穀實鮮落土
潤不溽暑物不應罰大雨不時行國無恩澤立秋之
日涼風至又五日白露降又五日寒蟬鳴涼風不至
無嚴政白露不降民多邪病寒蟬不鳴人皆力爭處
暑之日鷹乃祭鳥又五日天地始肅又五日禾乃登

鷹不祭鳥師旅無功天地不肅君臣乃口農不登穀
暖氣爲灾白露之日鴻鴈來又五日玄鳥歸又五日
群鳥養羞鴻鴈不來遠人背畔玄鳥不歸室家離散
群鳥不養羞下臣驕慢秋分之日雷始收聲又五日
蟄蟲培戶又五日水始涸雷不始收聲諸侯淫佚蟄
蟲不培戶口靡有賴水不始涸甲蟲爲害寒露之日
鴻鴈來賓又五日爵入大水化爲蛤又五日菊有黃
華鴻鴈不來小民不服爵不入大水失時之極菊無
黃華土不稼穡霜降之日豹乃祭獸又五日草木黃

落又五日蟄蟲咸附豺不祭獸爪牙不良草木不黃
落是謂愆陽蟄蟲不咸附民多流亡立冬之日水始
冰又五日地始凍又五日雉入大水化爲蜃水不冰
是謂陰負地不凍咎徵之咎雉不入大水國多淫婦
小雪之日虹藏不見又五日天氣上騰地氣下降又
五日閉塞而成冬虹不藏婦不專一天氣不上騰地
氣不下降君臣相嫉不閉塞而成冬母后淫佚大雪
之日鴉鳥不鳴又五日虎始交又五日荔挺生鴉鳥
鳴□□□虎不始交□□□荔挺不生卿士專權

冬至之日蚯蚓結又五日麋角解又五日水泉動蚯蚓
不結君政不行麋角不解兵甲不藏水泉不動陰
不承陽小寒之日鴈北向又五日鵲始巢又五日雉
始雊鴈不北向民不懷主鵲不始巢國不寧雉不始
雊國大水大寒之日鷄始乳又五日鷩爲厲又五日
水澤腹堅雞不始乳淫女亂男鷩爲厲國不除兵
水澤不腹堅言乃不從

謚法解第五十四

維周公旦太公望開嗣王業攻于牧野之中終葬乃

制謚叙法謚者行之迹也號者功之表也車服位之

章也古者有大功則善號以為福也是以大行受大名細行受小名

行出於己名生於人名謂謚一人無名曰神一名善稱善

簡曰聖所稱得人善得實所別得簡敬賓厚禮曰聖聖於禮也德象

天地曰帝同於地靜民則法曰皇靜安仁義所在曰王從民

也立制及眾曰公志無私也執應八方曰侯所執行八壹

德不解曰簡壹不委曲平易不疵曰簡疵多病也經緯天地曰

文成其道也道德博厚曰文無不知之學勤好問曰文不耻下問慈

惠愛民曰文惠以成文也愍民惠禮曰文以禮安人錫民爵位

曰文與可舉也剛彊直理曰武剛無欲彊不撓直正無曲理忠恕也威彊散

德曰武思有德者散也克定禍亂曰武以兵征故解也刑民克服曰

武法正民能使服大志多窮曰武大志行兵多所窮也敬事供上曰恭

也恭奉尊賢貴義曰恭尊貴賢人寵貴義士尊賢敬讓曰恭敬有德讓

有功既過能改曰恭言有智也執事堅固曰恭守正不移安民長

悌曰恭順長接第執禮敬賓曰恭迎侍實也芘親之門曰恭無德

以益也尊長讓善曰恭不尊已善推於他人淵源流通曰恭性無所忌

也照臨四方曰明以明照之譖訴不行曰明逆知之威儀

悉備曰欽威則可畏儀則可象大慮靜民曰定思樹也安民大慮

曰定以慮安民安民法古曰定不失舊意也純行不傷曰定一行

不謀慮不威曰德不以威相拒也辟地有德曰襄取之義甲冑

有勞曰襄言成征伐有伐而還曰釐知難而退質淵受諫曰釐

深故慈惠愛親曰釐言周愛親族也博聞多能曰獻雖多能不至大

道聰明散哲曰獻有通知之聰也溫柔聖善曰懿性純也五宗

安之曰孝五世之宗也協時肇享曰孝協合肇始也秉德不

回曰孝順於德而不逆大慮行節曰孝言成其節也執心克莊曰齊

能自輔輕供就曰齊輕有所輔而供成也温年好樂曰康好豐年勤

事安樂撫民曰康無四方之虞今民安樂曰樂富而教之安民

立政曰成政以安之布德執義曰穆穆純也中情見貌曰穆

在也敏以敬順曰傾無所不敬順也昭德有勞曰昭能勞也聖

文周達曰昭聖文通治也保民耆艾曰胡六十曰耆七十曰艾彌年

壽考曰胡大年也彊毅果敢曰剛強於仁義致果曰毅追補前過

曰剛勤善以補過也柔德考眾曰靜成眾使安也供已鮮言曰靜

鮮言而正供已之身無失闕之病也寬樂令終曰靜性寬樂義以善自終治而清省曰平

無失闕之病也執事有制曰平在位平意也布綱治紀曰平施之政事

由義而濟曰景用義而成也布義行綱曰景以綱行義也清白

守節曰貞行清白志固也大慮克就曰貞能大慮非正則不可不隱無

克曰貞坦然無私也彊以剛果曰威疆甚於剛也猛以疆果曰

威亦強甚於剛也彊毅信正曰威信正言無邪也辟土服遠曰桓兼人

故啓也道德純一曰思道大而德一也不肯兆民曰思大親民而不殺

外内思索曰思言求善也追悔前過曰思思而能改也柔質受

課曰惠以惠愛惠能思辯衆曰元別之使各有次也行義說民曰

元民說其義始建國都曰元非善之長可一始也主義行德曰元以義

爲主作德政也兵甲亟作曰莊以數征爲嚴歡通克服曰莊通達使能

也死於原野曰莊非嚴何難屢征曰伐曰莊以嚴武而

不遂曰莊不成功克殺東正曰夷秉正不任賢也安心好靜曰

夷不爽九正也幸義揚善曰懷揚人以善慈義短折曰懷短未六十

折未三十夙夜警戒曰敬敬身思戒夙夜恭事曰敬敬以蒞象

方益平曰敬法以敬也合善法典曰敬非敬何迷善

不克曰丁不能成義迷義不悌曰丁不悌不遜順也有功安民曰

烈以武功立功秉德遵業曰烈遵世業不墮改剛克爲伐曰翼成功也

思慮深遠曰翼好遠思任能也剛德克就曰肅成其不欲執

心決斷曰肅言嚴果也愛民好治曰戴好民治也典禮不塞曰

戴立志不悛命也亂而不損曰靈不口極

知鬼事曰靈知其能聽徹也不勤成名曰靈本任性不見賢思齊死見

鬼能曰靈有鬼為厲好祭鬼神曰靈敬鬼神不短折不成

曰殤有知而大殤也未家短折曰殤未家未室家也不顯尸國曰隱

以門國也隱拂不成曰隱言其隱拂改其性也年中早夭曰悼肆志

肆行勞祀曰悼縱於心勞於淫祀言不脩德也恐懼從處曰悼從處

地也不思忘愛曰刺忌其愛也愾恨遂過曰刺去諫曰愾反是曰恨

外內從亂曰荒官不治家不治好樂怠政曰荒淫於聲色故怠政事在

國逢難曰愍逢兵寇之事也使民折傷曰愍苛政賊害在國連憂

曰愍仍多喪大喪禍亂方作曰愍國無政動長亂蚤孤短折曰哀者早

未知人事恭仁短折曰哀體恭質仁功未施也蚤孤有位曰幽有喪即位

而卒也壅遏不通曰幽弱損不動祭亂常曰幽易神克

威捷行曰魏有威而敏行克威惠禮曰魏有威而敏行也去禮遠

衆曰煬內好多淫外則荒政聖心動懼曰甄甄積也容儀恭美曰

勝有義可象行恭可美威德剛武曰圉圉御也能御亂患也聖善周聞曰

宣聞謂所聞善事也治民克盡曰克盡無行見中外曰懇言表裏如一也

勝敵壯志曰勇不勝照功寧民曰商明有功

狀古述今日譽言立人稱心能制義曰庶制得事宜好和不爭

曰安失在少斷外內貞復曰白正而始一也不生其國曰聲

知而不改致戮無辜曰厲賊良善人官人應實曰知能官人也凶年

無穀曰糠不務稼穡名實不爽曰質不爽應也不悔前過曰戾

知而不改温良好樂曰良言人行可好可樂也怙威肆行曰醜肆意好威

勤政無私曰類無私惟義所在好變動民曰躁數移徒也慈和徧

服曰順言使人皆服其慈和滿志多窮曰感自足者必不足也危身奉

上曰忠險不辭勞也思慮深遠曰翼自任多近於專息政外交曰

推不自明而恃外也䟽遠繼非其次第偶得之也彰義掩過曰

堅明義以前過肇敏行成曰直始疾行成言不深也內外賓服曰止

言以正也華言無實曰夸言不深也教誨不倦曰長以道教之

也愛民在刑曰克道之以政齊之以刑嗇於賜與曰愛言貪悒也逆

天虐民曰場所尊天而逆天好廉自克曰節自節以情欲也擇善而

從曰比比方善而從之好更改舊曰易變改故常名與實爽曰謬

言名美而實傷思厚不爽曰愿不差所思而得也貞心大度曰匡正心

而明察也隱哀之也施為文也除為武也除惡辟地為襄視

遠為恒剛克為發柔克為懿覆亡為莊有過為僖施

而不成曰宣惠無內德曰獻無內德惠不成也治而生胥為

平亂而不損為靈由義而濟為景失無補則以其明

餘皆象也以其明所及為謚象謂象其事行也和會也勤勞也遵循也

爽傷也肇始也又治也康安也怙恃也享祀也胡大

也服敗也康順也就會也懷過也錫與也典常也肆
施也杼虛也敷聖也惠愛也綏安也堅長也耆彊也
考成也周至也懷思也式法也敏疾也捷克也載事
也彌久也

明堂解第五十五

大維商紂暴虐瞞鬼侯以享諸侯天下患之四海北
民欣戴文武是以周公相武王以伐紂夷定天下既
克紂六年而武王崩成王嗣幼弱未能踐天子之位
周公攝政君天下弭亂六年而天下大治乃會方國

諸侯於宗周大朝諸侯明堂之位天子之位負斧戣
南面立率公卿士侍于左右三公之位中階之前北
面東上諸侯之位阼階之東西面北上諸伯之位西
階之西東面北上諸子之位門內之東北面東上諸
男之位門內之西北面東上九夷之國東門之外西
面北上八蠻之國南門之外北面東上六戎之國西
門之外東面南上五狄之國北門之外南面東上四
塞九□之國世告至者應門之外北面東上宗周明
堂之位也明堂明諸侯之尊卑也故周公建焉而明

諸侯於明堂之位制禮作樂頒度量而天下大服萬國各致其方賄七年致政於成王

嘗麥解第五十六

維四年孟夏王初祈禱于宗廟乃嘗麥于太祖是月王命大正刑書爽明僕告既駕少祝導王亞祝迎王降階即假于大宗小宗少秘于社各牡羊一牡豕三史導王于北階王涉階在東序乃命太史尚太正即居于戶西南向九州伯咸進在中西向宰乃承王中升自客階作筴執筴從中宰望尊中于大正之

前太祝以王命作筴筴告太宗王命秘作筴許諾乃北向繇書于內楹之門王若曰宗掩大正昔天之初作二后乃設建典命赤帝分正二卿命蚩尤于宇少昊以臨四方司上天未成之慶蚩尤乃逐帝爭于涿鹿之河九隅無遺赤帝大懼乃說于黃帝執蚩尤殺之于中冀以甲兵釋怒用大正順天思序紀于大帝用名之曰絕纜之野乃命少昊請司馬鳥師以正五帝之官故名曰質天用大成至于今不亂其在殷之五子忘伯禹之命假國無正用胥與作

亂遂凶厥國皇天哀禹賜以彭壽思正夏略今予小子聞有古遺訓而不迷朕文考之言不易予用皇威不忘祗天之明典令□我大治用我九宗正州伯教告于我相在大國有殷之□辟自其作□于古是威厥邑無類于冀州嘉我心國小國其命余克長國王嗚呼敬之哉如木旣顛厥巢其猶有枝葉作休爾弗敬恤爾執以屏助予一人集天之顯亦爾子孫其能常憂恤乃事勿畏多寵無愛乃嚚亦無或刑于鯀憲罪罪患乃其常無別于民衆臣咸興受太正書乃降

太史筴形書九篇以升授太正乃左還自兩柱之間□箴大正曰欽之哉諸正敬功爾頌審三節無思民因順爾臨獄無頗正刑有撥夫循乃德式監不遠以有此人保寧爾國克戒爾服世世是其不殆維公咸若太史乃降太正坐舉書乃中降再拜稽首王命太史正升拜于上王則退是月士師乃命太宗序于天時祠大暑乃命少宗祠風雨百享士師用受其馘以爲之資邑乃命百姓遂享于富無患民疾供百享歸祭閭率里君以爲之資野宰乃命冢邑縣都祠于太

祠乃風雨也宰用受其職馘以爲之資采君乃命天
御豐穡享祠爲施大夫以爲資威太史乃藏之于盟
府以爲歲典

本典解第五十七

維四月既生魄王在東宮召公告周公曰嗚呼朕聞
武考不知乃問不得乃學俾資不肖求無惑矣命朕
不知明德所則政教所行字民之道禮樂所生非不
念而知故問伯父周公再拜稽首曰臣聞之文考能
督民過者德也爲民犯難者武也智能親智仁能親

仁義能親義德能親德武能親武五者昌于國曰明
明能見物高能致物物備咸至曰帝帝鄉在地曰本
本生萬物曰世世可則曰曰至至德照天百姓曰驚
備有好醜民無不戒顯父登德德降則信信則民寧
爲畏爲極民無淫慝生民知常利之道則國彊序明
好醜曰必固其務均分以利之則民安曰用以資之
則民樂明德以師之則民讓生之樂之則母之禮也
政之教之遂以成之則父之禮也父母之禮以加于
民其慈曰曰古之聖王樂體其政士有九等皆得其

宜曰材多人有八政皆得其則曰禮服士樂其生而
務其宜是故秦鼓以章樂秦舞以觀禮秦歌以觀和
禮樂既和其上乃不危王拜曰允哉幼愚敬守以爲
本典

月令 闕

周書卷第六

周書卷第七

晉孔晁註明四明後學章彙校刻

官人解第五十八

王會解第五十九

官人解第五十八

王曰嗚呼太師朕惟民務官論用有徵觀誠考言視
聲觀色觀隱揆德可得聞乎周公曰亦有六徵嗚呼
乃齊以揆之一曰富貴者觀其有禮施貧賤者觀其
有德守嬖寵者觀其不驕奢隱約者觀其不懾懼其
少者觀其恭敬好學而能悌其壯者觀其廉潔務行

而勝私其老者觀其思慎而□彊其所不足者觀其
不愉父子之間觀其和友君臣之間觀其忠惠鄉黨
之間觀其誠信省其居處觀其方□省其喪哀觀其
貞良省其出入觀其交友省其交友觀其任廉設之
以謀以觀其智示之以難以觀其勇煩之以事以觀
其治臨之以利以觀其不貪濫之以樂以觀其不荒
喜之以觀其輕□之以觀其重醉之酒以觀其恭從
之色以觀其常遠之以觀其不二昵之以觀其不狎
復徵其言以觀其精曲省其行以觀其備此之謂觀

誠二曰方與之言以觀其志□以淵其器寬以恻其
色儉而不諂其禮先人其言後人見其所不足曰益
者也好臨人以色高人以氣賢人以言防其所不足
發其所能曰損者也其貌直□□其言正而不私
不飾其美不隱其惡不防其過曰有質者也其貌曲
媚其言工巧飾其見物務其小證以故自說曰無質
者也喜怒以物其色不變煩亂以事而志不營深導
以利而心不移臨懾以威而氣不卑曰平心而固守
者也喜怒以物而心變易煩亂以事而志不治導之

以利而心遷移臨懾以威而氣慄懼曰鄙心而假氣者也設之以物而數決敬之以卒而度應不文而辯曰有慮者也難決以物難悅以守一而不可變因而不知止曰愚依人也營之以物而不誤犯之以卒而不懼置義而不可遷臨之貨色而不過曰果敢者也移易以言志不能固已諾無決曰弱志者也順予之弗為喜非奪之弗為怒沉靜而寡言多稽而險貌曰質靜者也屏言弗顧自順而弗護非是而彊之曰始誣者也微而能發察而能深寬順而恭儉溫柔而能

斷果敢而能屈曰志治者也孽廢而誣巧言令色皆以無為有者也此之謂考言三曰誠在其中必見諸外以其聲處其實氣初生物物生有聲聲有剛柔清濁好惡咸發于聲心氣華設者其聲流散心氣順信者其聲順節心氣鄙戾者其聲醒醜心氣寬柔者其聲溫和信氣中易義氣時舒和氣簡備勇氣壯力聽其聲處其氣考其所為觀其所由以其前觀其後以其隱觀其顯以其小占其大此之謂視聲四曰民有五氣喜怒欲懼憂喜氣內蓄雖欲隱之陽喜必見怒

氣內蓄雖欲隱之陽怒必見欲氣懼氣憂悲之氣皆
隱之陽氣必見五氣誠于中發形于外民情不可隱
也喜色猶然以出怒色薦然以侮欲色嫗然以愉懼
色薄然以下憂悲之色瞿然以靜誠智必有難盡之
色誠仁必有可尊之色誠勇必有可新之色誠潔必
有難汗之色誠□必有可信之色質浩然固以安偽
蔓然亂以煩雖欲改之中色弗聽此之謂觀色五曰
民生則有陰有陽人多隱其情飾其偽以攻其名有
隱於仁賢者有隱於智理者有隱於文藝者有隱於

廉勇者有隱於交友者如此不可不察也小施而好
德小讓而爭大言願以為質□愛以為忠尊其得以
改其名如此隱於仁賢者也前總唱功慮誠弗及佯
為不言內誠不足色示有餘自順而不讓措辭而弗
遂此隱於智理者也動人以言竭而弗終問則不對
佯為不窮□貌而有餘假道而自順因之□初窮則
託深如此者隱於文藝者也□言以為廉矯厲以為
勇內恐外誇亟稱其說以詐臨人如此隱於廉勇者
也自事其親而好以告人飾其見物不誠於內發名

以事親自以名私其身如此隱於忠孝者也此周以
相譽知賢可徵而左右不同不同而交交必重□心
說而身弗近□□而實不至懼不盡見於衆而貌克
如此隱於交友也此之謂觀隱六曰言行不類終始
相悖外內不合雖有假節見行曰非成質者也言忠
行夷爭靡及私□弗求及情忠而寬貌莊而安曰有
仁者也事變而能治效窮而能達措身立方而能遂
曰有知者也少言以行恭儉以讓有知而言弗發有
施而□弗德曰謙良者也微忽之久而可復幽間之

獨而弗克其行亡如存曰順信者也貴富恭儉而能
施嚴威有禮而不驕曰有德者也隱約而不懼安樂
而不奢勤勞而不變喜怒而有度曰有守者也直方
而不毀廉潔而不戾疆立而無私曰有經者也虛以
待命不召不至不問不言言不過衍行不過道曰沈
靜者也忠愛以事親驩以盡力而不回敬以盡力而
不□曰忠孝者也合志而同方共其憂而任其難行
忠信而不疑□隱遠而不舍曰□友者也志色亂氣
其人甚偷進退多巧就人甚數辭不至少其所不足

謀而不已曰偽詐者也言行亟變從容克易好惡無
 常行身不篤曰無誠者也少知而不大決少能而不
 大成規小物而不知大倫曰華誕者也規諫而不顛
 道行而不平曰竊名者也故曰事阻者不夷時口者
 不回果敢者也飾貌者不靜假節者不平多私者不
 義揚言者寡信此之謂揆德

王會解第五十九

成周之會埤上張赤奔陰羽

王城既成大會諸侯及四夷也陰鶴也以羽飾

帳也除地曰

天子南面立纁無繁露朝服八十物摺

挺

繁露冕之所垂也所尊故則有焉八十物大小所服摺插挺笏也

唐叔荀叔周公

在左太公望在右皆纁亦無繁露朝服七十物摺笏

旁天子而立於堂上

唐荀國名皆成王弟故曰叔旁差在後也近天子后故其冕謂

亦無梳也

堂下之右唐公虞公南面立焉

唐虞二公堯舜後也

之左殷公夏公立焉皆南面纁有繁露朝服五十物

皆摺笏

祀宋二公冕有繁露摺笏則唐虞闕也

為諸侯之有疾病者昨

階之南祝淮氏榮氏次之皆西南彌宗旁之

淮榮二祝之氏

也彌宗官名次珪費南差在後

為諸侯有疾病者之醫藥所居

使諸左右

也居則至也

相者太史魚大行人皆朝服有繁露

魚太史名及太

行人皆贊相賓客禮儀也堂下之東面郭叔掌為天子棗幣焉

有繁露郭叔號文王第棗錄諸侯之幣也內臺西面者正北方應侯

曹叔伯舅中舅內臺中臺也應侯成王弟比服次之要服次之荒

服次之西方東面正北方伯父中子次之此要服於比服轉速

殊故殊其名非夷狄之四荒也伯父姬姓之國中子於王子中行者也方千里之外為

比服方千里之內為要服三千里之內為荒服是皆

朝於內者此服名因於殷非周制也堂後東北為赤弁焉浴盆在

其中雖不用而設之敬諸侯也其西天子車立馬乘亦青陰羽鳧

旌鸛鳧羽為旌旄中臺之外其右泰士臺右彌士外謂臺之東西也外

臺右太士右弥士士言受贄者八人東面者四人受

幣士也四人東面則西面四人也陳幣當外臺天玄歆宗馬十二陳

帛被馬於外臺天玄黑歆宗尊也王玄繚碧基十二此下三碧皆玉故自下以至王

之玄繚謂之黑組紐之基玉名有十二基也參方玄繚璧豹虎皮十二參

陳幣三所也壁皮兼陳也四方玄繚璧琬十二琬珪也有鋒疾陳之四方所列之也

外臺之四隅張赤弁為諸侯欲息者皆息焉命之曰

爻間每角張息者隨所近也候稱爻也周公旦主東方所之青馬黑

窳謂之母兒周公主東方則太公主西方東青馬則西白馬矣馬名未聞其守營

牆者衣青操弓執矛戰也各異方西面者正北方稷慎大

塵稷慎肅慎也貢塵似鹿正比內臺北也穢人前兒前兒若彌猴立行

聲似小兒穢韓穢東夷別種良夷在子在手口身人首脂其

腹炙之霍則鳴曰在子良夷樂狼之夷也貢奇獸揚州禹禹魚名

解諭冠亦奇魚也發人鹿鹿者若鹿迅走發亦東夷迅疾俞人雖

馬俞東北夷雖馬鬣駕一角大者曰麟也青丘狐九尾青丘海東地名周頭輝

絃輝絃去羊也周頭亦海東名也黑齒白鹿白馬黑齒西遠之夷也貢

白馬白鹿白民乘黃乘黃者似騏背有兩角白民亦南夷東越

海蛤東越則海際蛤文蛤歐人蟬蛇蟬蛇順食之美東越歐人也北交州

蛇特多為上珍也姑於越納曰姑妹珎姑妹國後屬越且甌文蜃且甌

在越文蜃大蛤也共人玄貝共人吳越之蠻玄貝照貝也海陽大蠃海水之陽

一蠃盈車自深桂自深亦南蠻也會稽以鞮皆西嚮其皮可以為鞮首自塵以

下至此向西也正北方義渠以茲白茲白者若白馬鋸牙食

虎豹亦在臺北與大塵相對義渠西戎國茲白一名駱者也史林以尊耳尊耳

者身若虎豹尾長三尺其身食虎豹史林戎之在西南者北唐

戎以閭閻以諭冠北唐戎在西北者也射禮以閭象為射器渠叟以勦犬

勦犬者露犬也能飛食虎豹渠叟西戎之別名也樓煩以星施

星施者珥旄樓煩比狄珥旄所以為旄羽耳上盧以羊羊者牛之小

者也上盧盧人西北戎也今盧水是區陽以鼈封者若彘前後有首

區陽亦戎規矩以鱗者獸也規矩亦戎也鱗似塵西之名也

申以鳳鳥鳳鳥者戴仁抱義掖信歸有德其形似雞蛇首魚尾

戴仁向仁國抱義懷有義掖信歸有德之君也丘羗鸞鷲丘地之羗不同故謂之丘羗今謂之

亦歸仁義也巴人以比翼鳥巴人在南者不比不飛其名曰鸛鷲方

揚以皇鳥皇鳥配於鳳者也蜀人以文翰文翰者若

皇雞鳥有文彩者皇雞似鳥翼州謂之澤特也方人以孔鳥亦戎別名孔與鸞相配也

卜人以丹沙丹沙西南之夷用閩采生火中色黑面

光其堅若鉄也康民以稗改者其實如李食之宜子康亦西戎之別

名也食稗改即有身州靡費費其形人身技踵自笑笑則上唇

翕其目食人北方謂之吐嘍州靡北狄也費費曰梟羊好行立行如人被髮

前足稍長者也都郭生生若黃狗人面能言都郭北狄生奇

幹善芳善芳者頭若雄雞佩之令人不昧皆東嚮奇

亦北狄善芳鳥名不昧不口也皆東東向列次也北方臺正東高夷嘍羊嘍

羊者羊而四角高夷東北夷高麗句獨鹿叩叩距虛善走也獨

西方之戎也叩叩獸似距虛負厥而走也孤竹距虛孤竹東北狄距虛不

今支玄模不令支皆東北夷模不屠何青能不屠何

也東胡黃羆東胡東北夷山戎菽山戎亦東北夷其西斂

吾白虎次西斂吾北屠州黑豹屠州狄之別也禺氏駒駘禺氏

西北戎夷駒
駿馬之屬也
大夏茲白牛
大夏西北戎茲白牛野獸也似白牛形也
犬戎

文馬而赤鬣編身目若黃金名古黃之乘
犬戎西戎之遠者也

數楚每牛每牛者牛之小者也
數楚亦北戎也
匈戎狡犬狡

犬者巨身四尺果皆北嚮
匈奴者北戎也
權扶三目
權扶南蠻也玉

之有光明也
形甚小也
白州北閭北閭者其革若於伐其木以

為車終行不敗
白州東南蠻也與白民接也水中可居者洲中出此珍也
禽人

管
亦東東蠻管草堅忍
路人大竹
路人東方之蠻貢大竹
長沙鼈
特大而美故貢

也
其西魚復鼓鐘鐘牛
次西列也魚復南蠻國也貢鼓及鐘而似牛形者美遠致

也
蠻揚之翟
揚州之蠻貢翟鳥
倉吾翡翠翡翠者所以取羽

倉吾亦蠻也翠羽其餘皆可自
古之政
餘謂眾諸貢物也言

政化之所至也
南人至眾皆北嚮
南人南越
伊尹朝獻商書
言別有此

書
不周書錄中以事類來附
王會期朝貢事故今附合
湯問伊尹

曰諸侯來獻或無馬牛之所生而獻遠方之物事實

相反不利
非其所有而當遠求於民故不利也
今吾欲因其地勢所有

獻之必易得而不貴其為四方獻令
制其品服之令
伊尹受

命於是為四方令曰臣請正東符婁仇州伊慮漚深

九夷十蠻越漚鬣文身
十者東夷蠻越之別稱剪髮文身因其事以名也
請

令以魚支之鞞
鱧之醬鮫敵利劔為獻
鞞刀削鱧魚名敵盾

也以鮫皮作之鮫文魚也正南甌鄧桂國損子產里百僕九菌者

南蠻之請今以珠璣瑇瑁象齒文犀翠羽菌鶴短狗別名

為獻璣似珠而小菌鶴可用為旌鬣短狗狗之善者也正西崑崙狗國鬼親

枳已闌耳貫胸雕題離丘漆齒九者西戎之別名也闌耳貫胸雕題漆齒

等亦因其事以名之也請今以丹青白旄純蜀江歷龍角神龜

為獻江歷珠名龍解角得也正北空同大夏莎車姑他旦略貌

胡戎翟匈奴樓煩月氏鐵犁其龍東胡十二者北狄之別名也戎

狄在西北界戎翟之間國名也請今以橐駝白玉野馬駒駘駿良

弓為獻湯曰善 周書卷第七

周書卷第八

晉孔晁註明四明後學章彙校刻

祭公解第六十 史記解第六十一

職方解第六十二

祭公解第六十

王若曰祖祭公祭公周公之後昭穆於穆王在祖列次予小子虔虔在

位虔敬昊天疾威予多時溥愆溥大也言昊天疾威於我故多是過失我

聞祖不豫有加予惟敬省不弔天降疾病予畏之威

公其告予懿德甲至也言已道不至故天祭公拜手

稽首曰天子

拜手頭至手稽首頭俯地

謀父疾維不瘳朕身尚在

茲朕魂在于天

謀父祭公名我魂在於天言必死也

昭王之所最宅天

命

言雖魂在天猶明王之所勉君天下之士也

王曰嗚呼公朕皇祖文王

烈祖武王度下國作陳周維皇皇上帝度其心寘之

明德

下國謂諸侯也天度其心所能寘明德於其身也

付俾於四方用應受

天命敷文在下

付與四方受命於天而敷其文德在下土也

我亦維有若

文祖周公暨列祖召公茲申予小子追學於文武之

蔑

言已追學文武之微德此由周召分治之化也

周克龕紹成康之業以將

天命用夷居之大商之衆

將行夷平也言大商本其初也

我亦維有

若祖祭公之執和周國保乂王家

執謂執其政也

王曰公稱

丕顯之德以予小子揚文武大勳弘成康昭考之烈

稱謂舉行也昭考昭王穆王之父也

王曰公無困我哉俾百僚乃心率

輔弼予一人

曰允乃詔畢桓于黎民般

言公當使百官相率和我輔弼我不然則困我

祭公拜手稽首

公曰天子謀父疾維不瘳敢告天子皇天改大殷之

般樂也信信如王告盡治民樂政也乃汝汝王也

命維文王受之維武王大剋之咸茂厥功

為美武王以社稷為美故曰咸也

維天貞文王之重用威亦尚寬壯

茂美也文王以受命

為美武王以社稷為美故曰咸也

厥心康受乂之式用休

貞正也重之用威伐崇黎也既尅之而安受治之其治用

福

美亦先王茂綏厥心敬恭承之維武王申大命戡厥

敵言武王申文王受命之意而勝敵也公曰天子自三公上下辟于文

武文武之子孫大開方封于下土辟法也言我上法文武方大開國旁

布於天之所錫武王時疆土丕維周之□□□后稷

之受命是永宅之錫與言天子武王是疆所受是大維后稷所受命是

長居維我後嗣旁建宗子丕維周之始并旁建宗子立為諸侯

此也言皆始并天子之故也嗚呼天子三公監于夏商之既敗丕則

無遺後難至于萬億年守序終之言當夏商以為戒大無後難之道守

其序而終也既畢丕乃有利宗丕維文王由之既終之則有利于宗

皆由文武之德也公曰嗚呼天子我不則寅哉寅哉寅敬也

則汝無以戾戾反罪疾謂已罪疾喪時二王大功所行也是二王

文汝無以嬖御固莊后嬖御寵妾也固戾也汝無以小謀敗大

作小謀不法先王也大作大事也汝無以嬖御士疾大夫卿士言無

人疾君子汝無以家相亂王室而莫恤其外言倍臣執國命恤憂也外

謂王室之外也尚皆以時中又萬國言當盡用是中嗚呼三

公汝念哉汝無浪浪芬芬厚顏忍醜時維大不弔哉

戒三公使念我與王也浪芬亂也忍行昔在先王我

亦維丕以我辟險于難不失于正我亦以免沒我世

先王穆公祭公所事也辟君也言我事先王嗚呼三

遇大難險而不失故能以善沒世言善終

公予維不起朕疾汝其皇敬哉茲皆保之皇大也言當式敬我

言如此則天下皆安之曰康子之攸保勗教誨之世祀無絕不

我周有常刑康安也子之所宜安以善道勉教之則子孫有福不然則犯常刑也王拜

手稽首黨言王拜受祭公之黨言也

史記解第六十一

維正月王在成周味爽召三公左史戎夫王是穆王也戎夫左

史名曰今夕朕寤遂事驚予遂成也行成事言乃取驚夢宿欲知之也

前讀信不行義不立則哲士凌君政言君不行信義由智立故

哲士凌君之政也禁而生亂皮氏以亡禁信義則亂生皮氏古諸侯也諂諛

日近方正日遠則邪人專國政好順人意禁而生亂

華氏以亡華聚也亦古諸侯也好貨財珍惟則邪人進邪人進

則賢良日蔽而遠賢良不行貨故蔽遠賞罰無位隨財而行夏

后氏以亡桀由好財亡也嚴兵而不者其臣懾其臣懾而

不敢忠不敢忠則民不親其吏不敢忠乃不仁下效其上故不親刑

始於親遠者寒心殷商以亡紂以暴虐亡也樂專於君者權

專於臣權專於臣則刑專於民君荒於樂則權臣專斷用刑濫矣君

娛於樂臣爭於權民盡於刑有虞氏以亡專則致爭而刑殺之

盡被刑也有虞商均之後謀主謂孤長天奉孤以專命者謀主必畏其威而疑其

前事也前事謂專命挾德而責數日疏位均而爭平

林以亡挾其見奉之德而責其前專命大臣有錮職

譚誅者危昔者質沙三卿朝而無禮君怒而久拘之

譚而弗加錮職謂事專權也譚卿謀變質沙以亡有三卿諸侯可知也

外內相間下撓其民民無所附三苗以亡弱小在疆

大之間存亡將由之則無天命矣不知命者死無天命

在疆壯者也知命則大不知命則足以亡矣有夏之方興也扈氏弱而不

恭身死國亡有夏啓也戰於甘威扈也嬖子兩重者亡昔者義渠

氏有兩子異母皆重王不別長庶而寵秩同君疾大臣分黨而

爭義渠以亡各有所事而爭力也功大不賞者危昔平州之功

大而不賞諂臣日賞貴功日怒而生變平州之君以

走出有功不賞而貴諂臣有德不官而任姦佞宜其口走也召遠不親者危昔

有林氏召離戎之君而朝之林氏諸侯至而不禮留而弗

親離戎逃而去之林氏誅之天下叛林氏天下見其遇戎不以

禮遂叛林氏昔者曲集之君伐智而專事疆力而不

賤其臣林氏孤危也良皆伏伐智自足也謂不為之用愉州氏伐之君孤而

無使曲集以亡

曲集愉州皆古諸侯

昔者有巢氏有亂臣而貴

任之以國假之以權擅國而主斷

委之政也

君已而奪之

臣怒而生變有巢以亡

秉正則專立殺則多恐雖君奪其政俱禍見及故作亂也

斧小不勝柯者亡昔有郈君嗇儉滅爵損祿群臣卑

讓上下不臨

柯秉所以喻君斧所以用喻臣臣無爵祿君所以任不臨言不相承奉也

小弱禁罰不行重氏伐之郈君以亡

兩弱不能行令

又空

重位者危昔有共工自賢自以無臣又空大官

言無任已大

臣者故空官也

下官交亂民無所附唐氏伐之共工以亡

臣故小臣亂也君凶於上臣亂於下民無所依堯遂流之犯難爭權疑者死昔有

林氏上衡氏爭權

爭為犯難不果為疑

林氏再戰弗勝上衡氏

偽義弗克俱身死國亡

林氏恃勝上衡氏息義所以俱亡

知能均而

不親並重事君者危昔有南氏有二臣貴寵力鈞勢

敵竟進爭權下爭朋黨君弗禁南氏以分

二臣勢鈞而不親權

重養徒黨所以分國也

昔有果氏好以新易故故者疾怨新故

不和

有果亦國名也內爭朋黨陰事外權有果氏以亡

外權謂外

大爵重祿輕比不成者亡昔有畢程氏損祿增爵

有位無祿取名自成民不堪求比而

群臣頽匱比而疾民畢程氏以亡

有位無祿取名自成民不堪求比而

罪之好變故易常者亡昔陽氏之君自伐而好變事無

故業官無定位民運於下運亂移也陽氏以亡業形而復

者危昔谷平之君悞類無親破國弗克業形用國悞復

類戾也國不勝彼以形為業也外內相援谷平以亡武不止者亡昔

阪泉氏用兵無已誅戰不休并兼無親文無所立智

士寒心無親謂并兼之也無文德故智士寒心也徙居至于獨鹿諸侯畔

之阪泉以亡獨鹿西戎地名徙都失處故亡也悞而無親者亡昔者

縣宗之君悞而無聽不納忠言執事不從宗職者疑發大

事群臣解體皆有違心國無立功縣宗以亡昔者玄都賢

鬼道廢人事天求祥神也謀臣不用龜策是從神巫用國

哲士在外玄都以亡棄賢任巫所以亡也文武不行者亡昔者

西夏性仁非兵性仁而無文德非兵而無武備城郭不脩武士無位

惠而好賞屈而無以賞無功盡賞財無可用唐氏伐之城郭不

守武士不用西夏以亡唐氏堯帝美女破國昔者績陽疆

力四征重丘遺之美女重丘之君畏其并已惑之以女績陽之君悅

之熒惑不治大臣爭權遠近不相聽國分為二君昏於上

權分於下所為二也宮室破國昔者有洛氏宮室無常池囿廣

大工功日進以後更前民不得休農失其時工功進則民困

矣以工取官賢材退矣飢饉無食成商伐之有洛以亡湯號曰成故曰福

湯成

職方解第六十二

職方氏掌天下之圖辯其邦國都鄙四夷八蠻七閩

九貉五戎六狄之人民

此在周官太司馬下篇穆王使有司抄出之欲時省焉國

邑曰鄙東方曰夷南方曰蠻皆狄蠻之別貉夷之別八七九五六見非一之言也

與其財用

九谷六蓄之數周知其利害乃辨九州之國使同貫

利貫事

東南曰揚州其山鎮曰會稽其數澤曰其區其

川三江其浸五湖其利金錫竹箭其民二男五女其

畜宜雞犬鳥獸其穀宜

竹箭籐篠也九州土氣生民男女各不同鳥獸山澤

所育之屬

正南曰荊州其山鎮曰衡山其澤數曰雲夢其

川江漢其浸潁湛其利丹銀齒革其民一男二女其

畜宜鳥獸其穀宜稻河南曰豫州其山鎮曰華山其

澤數曰圃田其川葵雝其浸陂澆

華山西岳

其利林漆絲

泉其民二男三女其畜宜六擾其穀宜五種

家所畜曰擾五

種謂黍稷菽麥稻也

正東曰青州其山鎮曰沂山其澤數曰望

諸其川淮泗其浸沂沐其利蒲魚其民二男三女其

畜宜雞犬其穀宜稻麥河東曰兗州其山鎮曰岱山

其澤數曰大野其川河沛其浸盧維其利蒲魚其民

二男三女其畜宜六擾其穀宜四種四種黍稷稻麥正西曰

雍州其山鎮曰嶽山其澤藪曰疆蒲其川涇汭其浸

渭洛其利玉石其民三男二女其畜牛馬其穀宜黍

稷嶽異嶽也東北曰幽州其山鎮曰醫無間其澤藪曰蔡

養其川河沛其浸菑時其利魚鹽其民一男三女其

畜宜四擾其穀宜三種四擾牛馬羊豕三種黍稻稷也河內曰冀州

其山鎮曰霍山其澤藪曰楊紆其川漳其浸汾露其

利松栢其民五男二女其畜宜牛羊其穀宜黍稷所謂

河內者正北曰并州其山鎮曰恒山其澤藪曰昭餘祁

其川虜池嘔夷其浸涑易其利布帛其民二男三女

其畜宜五擾其穀宜五種五擾牛馬羊豕犬五種黍稷菽麥麻乃辯九

服之國方千里曰王圻圻界也其外方五百里為侯服

為王者斥侯也言服正事也又其外方五百里為甸服甸田也治田又入穀

也又其外方五百里曰男服男任也任王事又其外方五百

里為衛服為王圻衛也又其外方五百里曰蠻服用事差簡慢

又其外方五百里為鎮服□□□又其外方五百里

為藩服藩服屏四境也凡國公侯伯子男以周知天下凡拜

國大小相維王設其教周編維持也牧謂牧御天下之政教制其職名

以其所能連率牧監各任能也制其貢各以其所有土也所有乃貢之

王將巡狩則戒于四方曰各脩乎乃守考乃職事無

敢不敬戒國有大刑考成也不敬則犯大刑也職方所及王者之所

行道率其屬而巡戒命王殷國亦如之王十二歲一巡狩職方自

所戒之命其不巡狩亦服盡朝朝謂之殷國也徒命亦如巡狩也

周書卷第八

周書卷第九

晉孔晁註明四明後學章彛校刻

芮良夫解第六十三 太子晉解第六十四

王佩解第六十五 殷祝解第六十六

周祝解第六十七

芮良夫解第六十三

芮伯若曰予小臣良夫稽道謀告伯爵若順也順其事而告之也子

惟民父母致厥道無遠不服無道左右臣妾乃違無德政

違畔也民歸于德德則民戴否則民讐茲言允效于

前不遠言驗於前世不遠言近商紂不道夏桀之虐肆我有家

舉桀紂惡滅亡為戒也嗚呼惟爾天子嗣文武業惟爾執政小

子同先王之臣昏行顧道王不若同為昏闇言教王為不順專

利作威佐亂進禍民將弗堪專利侵民佐亂進於禍也治亂信乎

其行惟王暨爾執政小子攸聞行善則治行惡則亂皆所聞知古人

求多聞以監戒不聞是惟弗知言古人患不聞故有所不知也后除

民害不惟民害害民乃非后惟其讐害民是與民為怨讐后作

類后弗類民不知后惟其怨言民不從上命從其所行類善也不知君則怨

深矣民至億兆后一而已寡不敵眾后其危哉言下上無義對

共相怨則寡者危也嗚呼如之人養食之則擾服雖家畜不養則畏人治民亦

然也今爾執政小子惟以貪諛為事不勲德以備難專利

為貪曲從為諛下民胥怨財單竭手足靡措弗堪戴上不其

亂而言民相與怨上土加之罪民不堪命而作亂以予小臣良夫觀天下

有土之君有土謂之諸侯也厥德不遠罔有代德言無遠德罔有天下

也時為王之患其惟國人是國人為患也嗚呼惟爾執政朋

友小子其惟洗爾心改爾行克憂往愆以保爾居洗心

改行憂往過則安爾之居位爾乃曠禍翫哉遂弗俊余未知王之

所定矧乃曠陽不聞翫心不惕悛改矧况也尚不知王定况貪諛之臣能得其所也

及家司書卷九

惟禍發於人之攸忽於人之攸輕不存焉變之攸

伏言人所輕忽則禍之所起謂不民也爾執政小子不圖善偷生苟安

爵賄成苟安無遠慮賄成不任德也賢智箝口小人鼓舌逃害要

利並得厥求唯曰哀哉賢者得默以逃害小人佞諂以要利各得其求君子為之

也哀者我聞曰以言取人人飾其言以行取人人竭其

行飾言無庸竭行有成君子不以言舉人無功故也欲行有成故也惟爾

小子飾言事王寔蕃有徒王貌受之終弗復用面相

誣蒙及爾顛覆蕃多徒衆言非一也貌謂外相悅而無實也君臣之相誣蒙必相及共顛覆之爾自謂有餘予謂爾弗足敬思以德備乃禍難

言其不足於道義也以用也乃汝也爾之禍為不言也難至而悔悔將安及無曰予為惟

太子晉解第六十四

晉平公使叔譽于周見太子晉而與之言叔譽者大夫叔向也

歸告周靈王太子名晉也曰太子晉行年十五而臣弗能與言五稱說五事遂終也

也君請歸聲就復與田若不及有天下將以為誅

聲就復與周之二平公將歸之師曠不可曰請使瞑

臣往與之言若能蒙予反而復之師曠晉大夫無目故稱瞑蒙復也

謀還與否也師曠見太子稱曰吾聞王子之語高於泰山

夜寢不寐晝居不安不遠長道而求一言言高於太山言無上

也不安至飢渴也王子應之曰吾聞太師將來甚喜而又懼

吾年甚少見子而懾盡忘吾其度懾而忘度所以為謙師曠曰

吾聞王子古之君子甚成不驕自晉始如周行不知

勞有成德不以驕易也王子應之曰古之君子其行至慎委積

施闢道踞無限百姓悅之相將而遠遠人來驩視道

如尺言已不及古君子尺踰近師曠告善又稱曰古之君子其行

可則由舜而下其孰有廣德問舜以下可法則之君子也王子應

之曰如舜者天舜居其所以利天下奉翼遠人皆得

已仁此之謂天言其仁合天道如禹者聖勞而不居以利天

下好取不好與必度其正是之謂聖盡力溝洫勞也貪財利與其功

合聖道也如文王者其夫道仁其小道惠三分天下而有

其二敵人無方服事於商既有其衆而返失其身此

之謂仁以其仁德人惠懷之行無常唯賢所如武王

者義殺一人而以利天下異姓同姓各得之謂義一

紂也師曠告善又稱曰宣辦各命異姓惡方王侯君

公何以為尊何以為上問其事儀王子應之曰人生而重

丈夫謂之胄子胄子成人能治上官謂之士口士率

衆時作謂之曰伯伯能移善於衆與百姓同謂之公

作謂農功同謂好義公能樹名與物天道俱謂之侯侯能成群

謂之君立民生物謂化施於民也君有廣德分任諸

侯而敦信曰予一人敦厚也善至于四海曰天子達於

四荒曰天王四海四夷四荒四表四荒至莫有怨訾乃登為帝

訾嘆恨也合五等之尊卑而論事義以為之名者也師曠整然又稱曰温恭敦

敏方德不改聞物口口下學以起尚登帝臣乃參天

子自古誰整然自嚴整也方道初本也起其物義也問最賢之人也王子應之曰

穆穆虞舜明明赫赫立義治律萬物皆作分均天財

萬物熙熙非舜而誰能律法也謂致其物也熙熙和感言舜臣堯功德如此也

師曠東躅其足曰善哉善哉東躅也王子曰太師何舉

足驟師曠曰天寒足躅是以數也驟亦數也王子戲問故師曠戲答

王子曰請入坐遂敷席注瑟師曠歌無射曰國誠寧

矣遠人來觀修義經矣好樂無荒交言於堂故更入燕室坐歌此辭而

音合於無射之律乃注瑟於王子王子歌嶠曰何自南極至

于北極絕境越國弗愁道遠嶠曲名也師曠作新曲美王子也王子述舊曲

也師曠蹶然起曰瞋臣請歸蹶然疾貌王子賜乘車四馬

曰太師亦善御之禮為天子三賜不及者馬此師曠賜則自王然後行可知也師曠

對曰御吾未之學也王子曰汝不為夫時詩云馬之

剛矣轡之柔矣馬亦不剛轡亦不柔志氣塵塵取予

不疑以是御之馬不剛轡不柔言和擾也塵師曠對塵亦和貌也不疑和之心也師曠對

曰瞋臣無見為人辯也唯耳之恃而耳又寡聞而易

窮王子汝將為天下宗乎辯別也為人所別唯恃耳也宗稟也天下所尊則

有明王者也王子曰太師何汝戲我乎自太皞以下至于

堯舜禹未有一姓而再有天下者夫太當時而不伐

天何可得言自庖犧至禹其子孫未有期運當時斯不立矣言周衰未盡已不必立也且

吾聞汝之人年長短告吾師曠對曰汝聲清汗汝色

赤白火色不壽清角也言音汗沈木水生火色赤知聲者則色亦然王子曰吾

後三年上賓于帝所汝慎無言言死必為賓于天帝將及汝

之所鬼神則王子師曠歸未及三年告死者至未

之事不欲令人知也三年并歸之年為三年則王子年十七而卒也

玉佩解第六十五

王者所佩在德德在利民民在順上言以利民為德也天子事天所

以威下合為在因時應事則易成得時所為合應為其機謀成

在周長有功在力多周忠信也力多則功多也昌大在自克不過

在數懲

以義勝欲得昌大數有懲艾則無過也

不困在豫慎見禍在未

形事未成而豫

除害在脆斷安民在知過用兵在知

時能斷所不思也知過輒改勝大患在合人心殃毒

在信疑

舉合民心何哉

孽子在聽內化行在知和內聽於孽

孽而吐於中言宜其生施舍在乎心不幸在不聞其

過施謂施惠舍謂赦罪聖人福在受諫基在愛民固

在親賢

受諫則無非故福以愛民為基親賢人則固明君之義也

禍福在所密利

害在所近存亡在所

所與密皆親近所利用皆忠良則福利至反是則禍害至

離合在出命尊在慎威安在恭已危亡在不知時命教

善則事合否則離矣威得其宜則尊恭已不妄則安時謂天時得其時也見善而怠時至

而疑亡正處邪是弗能居此得失之方也不可不察

怠懈墮不能行也疑由豫不果也邪奸術也慮奸術是不居大之道也乃是得失之道也

殷祝解第六十六

湯將放桀于中野此事不然矣士民間湯在野皆委

貨扶老携幼奔國中虛言桀國中空無桀請湯曰國

所以為國者以有家家所以為家者以有人也今國

無家無人矣君有人請致國君之有也此國為天下也湯曰

否昔大帝作道明教士民今君王滅道殘政士民惑

矣吾為王明之

大帝謂禹明禹之事於士民也

士民復致於桀曰以

薄之居濟民之賤何必君更

此士民辭也薄湯所居也言與君更與桀徙避

湯桀與其屬五百人南徙千里止於不齊民往奔湯

於中野

不齊地名

桀復請湯言君之有也湯曰否我為君

王明之士民復重請之桀與其屬五百人徙於魯魯

士民復奔湯

魯地名也

桀又曰國君之有也吾則外人有

言彼以吾道是邪我將為之

言桀以此辭勸勉湯者也

湯曰此君

王之士也君王之民也委之何湯不能止桀

曰欲從者從君桀與其屬五百人去

居南巢之地名

湯放桀

而復薄三千諸侯大會

大會千薄

湯退再拜從諸侯之位

湯曰此天子位有道者可以處之

讓諸侯之有道者

天子非

一家之有也有道者之有也故天下者唯有道者理

之唯有道者紀之唯有道者宜文處之

又處又居天子之位湯

以此讓三千諸侯莫敢即位然後湯即天子之位

三千

諸侯勸之也

與諸侯誓曰陰勝陽即謂之變而天弗施

逆天

道故雌勝雄即謂之亂而人弗行

雌勝雄女凌男之異逆人道故不行

焉故諸侯之治政在諸侯之大夫治與從

言下必順上所以教

也治

周祝解第六十七

曰維哉其時告汝□□道恐為身災言所以告汝不聞道為身災也

謹哉民乎朕則生汝朕則刑汝告以善道是生之朕是以教之以法也

則經汝朕則亡汝朕則壽汝朕則名汝經記汝昌早汝殺亡汝為

汝請命名故曰文之美而以身剝自謂智也者故不

足汝善惡也故曰文之美而以身剝自謂智也者故不

有茅虛言致微也凡彼濟者必不怠觀彼聖人必趣

時必不怠故濟石有玉而傷其山萬民之患在口言

山以有玉故傷人時之行也勤以徙不知道者福為禍

不徙以及時人時之徙也勤以行不知道者以福亡

行謂與故曰肥豕必烹甘泉必竭直木必伐以其供

然地出物而聖人是時雞鳴而人為時觀彼萬且何

為末萬物自然不為人來聖人則之如因雞鳴以識時也故天有時人為正

地出利而民是爭正謂敬授民時也人出謀聖人是

經陳五刑民乃敬經經度之也教之以禮民不爭被

之以刑民始聽因其能民乃靜有禮則讓故不爭聽順靜服謂不為亂也

故狐有牙而不敢以噬獾有蚤而不敢以擻喻人以

自盡而已也敢望太官亦求勢居小者不能為大雖有其材特欲勢不便故

正中不貪其害凡勢道者不可以不大不貪害也中正不立不大

其度至道不行也故木之伐也而木為斧賊難而起者自近

者因木以伐木因近以成賊二人同術誰昭誰暝二虎同穴誰死

誰生成者能昭猛者能生故虎之猛也而陷於獲人之智也而

陷於詐虎以食陷辨人欲陷詐詐罔也葉之美也解柯柯之美也

離其枝枝之美也拔其本儼矢將至不可以無盾此言

至不可為巧焚其草木則無種大威將至不可以為

勇言亦貨以危身禍至不可救也故天之生也固有度國家之患離

之以故以言患因事而起故事也地之生也固有植國家之患離

之以謀植立也有生則立也故時之還也無私貌日之出也無

私照還謂至也貌謂無實時至並應日出普照也時之行也順至無逆為

天下者用大略言當以大略火之燁也固定上為天下

者用牧燁燃也火曰炎上牧為法也水之流也固走下不善故有

桴桴所擊鼓也言惡政由於祭者也故福之起也惡別之禍之起也

惡別之惡於何也言其微也故平國若之何須國覆國事國孤

國屠皆若之何覆滅也事謂事無便也孤謂無謂屠為人分裂也故日之中

也及月之望也食威之失也陰食陽善為國者使之

也及月之望也食威之失也陰食陽善為國者使之

也及月之望也食威之失也陰食陽善為國者使之

有行食謂毀明而生魄也定彼萬物必有常以日蔽於陰喻君行失道

國君而無道以微亡微以積小以致滅亡者也故天為蓋地為軫

善用道者終無盡地為軫天為蓋善用道者終無害

言用道動靜法天地天地之間有滄熱善用道者終不竭滄寒竭盡

陳彼五行必有勝天之所覆盡可稱言五行相勝以生成萬物盡可

稱名之也故萬物之所生也性於從萬物之所及也性於

同從謂立也始異終故曰反也故惡姑幽惡姑明惡姑陰陽惡姑

短長惡姑剛柔姑者且也言幽明之相伐陰陽之變易短長之相形剛柔之相生始終之

也故海之大也而魚何為可得山之深也虎豹貔貅

何為可服言皆以貪解自中鈎檻也人智之遠也奚為可測跂動

噦息而奚為可收誠於事故可測牽於事故可收玉石之堅也奚可

刻言服飾之窮物也陰陽之號也孰使之牝牡之合也孰交

之君子不察福不來言陰陽之稱號牝牡之交合皆自然也君子察自然之理則福

也故忌而不得是生事故欲而不得是生詐生事謂變也生

詐謂詐為求之欲伐而不得生斧柯欲鳥而不得生網羅欲

彼天下是生為所以生成所欲也謂云為之事也維彼幽心是生包

維彼大心是生雄維彼忌心是生勝包謂包藏陰謀雄謂雄桀於人

也勝謂勝所忌皆惡忌事也故天為高地為下察汝躬奚為喜怒

天為古地又察彼萬物名於始言法天地則喜怒無

也左名左右名右視彼萬物數為紀紀之行也利而

無方行而無止以觀人情名以左右則物以數為紀

利有等維彼大道成而弗改用彼大道知其極加諸

事則萬物服差等也大道天道也極中也事業也用其則必有群加諸

物則為之君群類舉其脩則有理加諸物則為天子修長

也謂綱例也

周書卷第九

周書卷第十

晉孔晁註明四明後學章檠校刺

武紀解第六十八 銓法解六十九

器服解第七十

武紀解第六十八

幣帛之間有巧言令色事不成車甲之間有巧言令

色事不捷克事而有武色必失其德臨權而疑必

離其災不捷智不可於不足并於不幾則

始而施幾而弗克無功國有三守卑辭重幣以服之

弱國之守也修備以待戰敵國之守也循山川之險而國之僻國之守也伐服不祥伐戰危伐險難故善伐者不伐三守伐國有六時五動四順間其踈薄其疑推其危扶其弱乘其衰暴其約此謂六時扶之而不讓振之而不動數之而不服暴之而不革威之而不恐未可伐也此謂五動立之害毀之利克之易并之能以時伐之此謂四順立之不害毀之不利唯克之易并之不能可伐也立之害毀之未利克之難并之不能可動也靜以待衆力不與爭權弗果據德不

肆國若是而可毀也地蓋而不振德衰而失與無苦而危矣求之以其道□□無不得為之以其事而時無不成有利備無患事時至而不迎大祿乃遷延之不道行事乃困不作小□動大殃謀有不足者二仁廢則文謀不足勇廢則武謀不足備廢則事謀不足國有本有幹有權有倫質有樞體土地本也人民幹也敵國侔交權也政教順成倫質也君臣和□樞體也土地未削人民未散國權未傾倫質未移雖有人昏亂之君國未亡也國有幾失居之不可阻體之小

也不果隣家難復飾也封疆侵凌難復振也服國從
失難復扶也大國之無養小國之畏事不可以本權
失□家之交不可以枉繩失隣家之交不據直以約
不虧體以陰不可虞而奪也不可策而服也不可親
而侵也不可摩而測也不可求而循施度於體不慮
費事利於國不計勞失德喪服於鄰家則不顧難矣
交體侵凌則不顧權矣封疆不時得其所無爲養民
矣合同不得其位無畏患矣百姓屈急無藏畜矣擠
社稷失宗廟離墳墓困鬼神殘宗族無爲愛死矣卑

辭而不聽□財而無技計戰而□足近告而無顧告
過而不悔請服而不得然後絕好于閉門循險近說
外授以天命無爲是定亡也凡有事君民守社稷宗
廟而先衰亡者皆矣禮也大事不法弗可作法而不
時弗可行時而失禮弗可長得禮而無備弗可成舉
物不備而欲□大功於天下者未有之也執不求周
流舉而不幾其成亡薄其事而求厚其功亡內無文
道外無武迹往不復來者有悔而求合者亡不難不
費而致大功故令未有據名而不辱隱行而不困唯

禮得之而無逆失之而無咎唯敬成事而不難序功而不費唯時勞而有成費而不亡唯當施而不拂成而有權久之而能口唯義不知所取之量不知所施之度不知動靜之時不知吉凶之事不知困達之謀疑此五者未可以動大事恃名不义恃功不立虛願不至妄爲不祥太上敬而服其次欲而得其次奪而得其次爭而克其下動而上資其力凡建國君民內事文而和外事武而義其形慎而殺其政直而公本之以禮動之以時正之以度師之以法成之以仁此

之道也

銓法解第六十九

有三不遠有三不近有三不畜敬謀祗德親同三不遠也聽諛自亂聽諛自欺近惡自惡三不近也如有忠言竭親以爲信有如同好以謀易寇有如同惡合計掬慮慮泄事敗是謂好害三不畜也

器服解第七十

明器因外有三疲二用器服數犢四倍禁豐一簾荒韋獨食器甌逆膏候屑侯樂鈇璆參冠一竿素獨

周公思商之孽訓敬命作成開周公既誅三監乃述
武王之志建都伊洛作洛周公會群臣于閔門以
輔主之格言作皇門周公陳武王之言以贊已言戒
乎成王作大戒周公正三統之義作周月辯二十四
氣之應以明天時作時訓周公制十二月賦政之法
作月令周公肇制文王之謚義以垂于後作謚法周
公將致政成王朝諸侯於明堂作明堂成王既即政
因嘗麥以語羣臣而求助作嘗麥周公爲太師告成
王以五徵則作本典成王訪周公以民事周公陳六

以觀察之作官人周室既寧八方會同各以其職來
獻欲垂法厥後作王會周王云歿王制將衰穆王因
祭祖不豫詢其守位作祭公穆王思保位惟艱恐貽
世羞欲自警悟作史記王化雖弛天命方永四夷八
蠻攸尊王政作職方芮伯稽古作訓納王于善暨執
政小臣咸省厥躬作芮良夫晉侯尚方侵我王略叔
向聞儲幼而果賢口復王位作太子晉王者德以飾
躬用爲所佩夏多罪湯將放之徵前事以戒後王也
作殷祝民非后罔乂后非民罔與爲邦慎政在微作

周祝武以靖亂非直不尅作武紀積習生常不可不
慎作銓法車服制度明不苟踰作器服周道於乎大
備

周書卷第十終

刺汲冢周書跋


汲冢周書自漢已入中秘晉太康間竹
簡古書稍稍復出云書疑戰國士綴拾
成之藉周爲名孔氏殆未之見者凡七
十篇真贗醇駁讀者類能辨之然藝圃
菁華芬芳縹采上溯二京而先秦七國
則斯編也其逸響高韻之存乎余念甫
爲書學淵藪以手抄善本刻此俾誦者



知為經之別錄俱不可捐爾嘗

嘉靖癸卯長至月吉日

賜進士福建興化府推官前山西道監察

御史四明後學章燦謹跋





知為經之別錄其本不可不備也
嘉靖癸卯
賜進士
御史四
山西道監察

